

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Cap. IV. Conciliatio plurimorum Canonum, quorum alii sut inter Regulas
Juris sub hoc Titulo, collectas in fine Collectionis Gregorii IX. & Collectionis
Bonifacii VIII. Cæteri verò pro Regulis ...

[urn:nbn:de:hbz:466:1-74413](#)

ad Contractus, aliaque similia, circa quæ Disciplina occupatur, nec non & Morum, prout Ratione reguntur, Scientia.

3. Disciplinales Regulas bene multas ad Mores converti posse, ac proinde plurimas Juris Canonici Regulas, hoc in sensu, seu indirecte, Mores respicere, ac consequenter confusam, vel remotam cum Canonibus Moralibus connexionem habere.

4. Memorata tria patere ex facta superius cunctarum Juris Canonici Regularium Collectione in Quatuor divisâ Titulos; nam nulla inter eas circa Fidem, falso expressa, reperitur: circa Mores autem ad plus 80. cetera vero sunt Disciplinales & 170. excedunt: inter istas autem occurruunt plurimæ, quæ ad Mores extendi possunt, ut sub istarum singulis notatum est.

Quoad Connexionem ipsam Juris Canonici Regularium cum Jure Naturali, duplî ex parte illam patere dicendum est; nam 1. indubitatum est, illas esse justas: alioquin, cum sint reliqui Juris Canonici vel Principia vel Consequentia, reliquum Jus Canonicum iustum esset. Si autem justæ sunt, Juri Naturali, primo Justitia creato Fonti, conformes sint oportet.

2. Ratio cuilibet subjuncta illam cum Jure Naturali connecti demonstrat, qualibet siquidem non aliunde, quam ab isto Jure desumitur: Legat & conferat qui dubitat.

His Questionibus adjicienda duæ non minus utiles; nempè 1. *Quomodo utendum sit his Regulis in decidendo?* Ut autem sentiat hujus Questionis utilitas, sciendum est à Regulis quibuscumque noanullos casus excipi, idoque, antequam *Quis utatur, infipere* debet, an casus decidendus per Regulas ab illis excipiatur, eo neglecto periculosa & nonnumquam perniciofa Decisio; Sicut *ULPIANUS* intelligentus, dūm dicit *Quod periculosa sit in Jure Definitio, parumque sit, ut non subverti possit*: hujus enim rei causa est hac Regulis utentis negligientia: Sic quoque *CUJACIUS* interpretandus, dūm asserit *ex Regulis levia & perniciofa argumenta deduci*, probatque exemplis de sumptis ex inconsideratione casuum exceptorum: id enim demonstrat per exempla allata, cùm petuntur ex casibus à Jure expresse excepti. Hinc duo inferuntur: Primum, quod multum interstit Questionis propositæ Decisio; Alterum, quod cuiusvis abusus Regularium vendi ratio melior nulla sit, quam quæ indicata est in hac observatione, nimirum, ne Regula ultra casus in illis præcipue comprehensos extendantur, quod necessarium quoque est in usu cuiuslibet Axiomatis, Aphorismi, Sententiae, Legis, aliisve rei similis. Videſis *CANISII in Regulas 6. Praefationem, Chaffanai Paratilia in Cap. ult. Decretalium, & Cabassutum cap. postremo L. 6. Theoria & Prax.*

Quæſtio ultima, *Quid sentiendum de Commentariis circa Regulas Juris Canonici, quenam aliis preferenda?* LANGLET in Indice præcipuorum Canonistarum & judicio circa illorum Opera, & Editionum collectionem. n. 10. meminit decem Commentariorium de Regulis Juris Canonici, præterque alii illa, quæ à MUCELLANO, PERTO, & CANISIO edita sunt. De 1. autem dicit, quod pro meliori habeatur, quodque cognosci possit quanti valeat ex eo, quod CAROLUS MOLLINÆUS in illud Notas fecerit. De 2. quod magni fiat, sed agatur de re, circa quam non multa legenda; De 3. quod maximo in pretio sit. Initio hujus numeri loquens de Commentario *infolio JOAN. BAPT. NICOLAI* in Regulas utriusque Juris, notat hanc in re sufficere breviores sed præcisas Notas, quibus Spiritus Regula declaretur cum variis casibus in eâ comprehensis. Viam hanc secuti sumus in Collectione, quam damus, quam inchoavimus anno 1700. idoque 15. annis ante citatum Indicem, qui editus est an. 1715. Exstat autem hic Index ad calcem Tomi *Comment. in Libertates eo anno typis recuso.*

CAPUT IV.

Conciliatio plurimorum Canonum, quorum Alii sunt inter Regulas Juris sub hoc Titulo collectas in fine Collectionis GREGORII IX. & Collectionis BONIFACII VIII. Ceteri vero pro Regulis habentur, cum plurimis Canonibus alter-virius generis, qui illis adversari videntur.

*C*ollectis omnibus Regulis Juris, quæ passim vagabantur per Universum Juris Corpus, illis in varia series distributis, additis Exceptionibus earundem, exposito vario, quem exhibere possum intellexi, probatisque ac firmatis nostris expositionibus, necessarium etiam ad absolvendum perficiendumque hoc Opus duximus illas inter se conferre, atque eas conciliare, quæ speciem aliquam oppositionis gerunt, idque pariter exequi circa plures Regulas post hanc nostram Collectionem detectas, quæ simili conciliatione indigere nobis visa sunt, nec non illud Argumentum huc transferre: hæc rejectio nobis facultati dabit tantum expatiandi quantum occasio postulabit, nec cogemur interrumpe connexionem, quam Regulae collecta inter se habent. Secus autem crebris Digressionibus opus fuisset, propter difficultates, quæ solvi nequeunt, nisi multi Canones invicem conferantur, unde Collectio Regularum in prolixum Commentarium defuisse, prodissitque quod ab Operis consilio abhorrebat, in quo intendimus jungere atque ordinare quod in variis locis Juris dispersum atque permixtum est. Semel enim perfecta Collectione, facilius est annotare quid Regulae contrarium habeant, sive Regulas ejusdem seriei invicem, sive Regulas singularum cum ceteris omnibus conferendo: adeoque necessaria est hæc Collatio, ut alia non suppetat via cognoscendi penitus quoisque Canones invicem opponantur; plura hujus rei in cursu hujus Tractatus exempla offendemus.

Licet maxima Pars Regularum Juris Canonici defumpta sit è Jure Civili, ut patet ex laudationibus adjectis, & multò luculentius ex Commentario Canisii in Regulas Sexti, non intendimus Canonicas Regulas cum Civilibus conferre, illaque harum ope exponere: Regulas Canonicas cum Regulis Canonis tantum conciliare nitimur, nullâ Juris Civilis habitâ ratione, speramus fore, ut auxilio illo non indigeamus ad componendos (ut alia factum fuit) inter se Canones, eamque Methodum aggredi eò magis oportet, quod Canones, qui suas dispositiones mutuantur è Legibus Civilibus, eas sapè temperant, præsertim quoties illud æquitas suadet, quo nihil est justius ubi Autores Canonum utramque Potestate Spirituali ac Temporali, conficiant in Regionibus, ad quarum Regimen illos condunt; exceptis iis casibus temperatio Legum Civilium per Canones nullam vim fortitudine absque autoritate Principis, nisi Leges illæ Legi Naturali vel Divine advertentur, tū enim Ecclesia declarat tantummodo opportunitatem illam, similique obligationem Deo potius, quam Hominibus parendi. *C. 20. de Prescript.*

Si hunc casum exemeris; Ratio, quæ Leges Civiles à Canonibus temperari approbat, hoc, si de Rebus mere Temporalibus agatur, improbat, alia quippe non est nisi reddendum esse Deo, quæ Dei sunt & quæ sunt Cæsar, Cæsari. Porro hæc Ratio Ecclesiam adstringit ad nihil curandum præter Res Spirituales, quas suscepit, & dimittendas Principi Res Temporales, ad quarum administrationem ipse constitutus est.

Ceterum Regula Juris nos impulit, ut tentaremus eas quæ sibi videntur adversari invicem componere, quæ extat *C. 29. de Elect. in VI. BONIFACIUS VIII.* qui sapè illam adhibet, supponit, illam esse Principium certissimum, cui conflatuer inherendum est eamque velut Fundamentum suæ Definitionis proponit, *Cum expedit Jura Juribus concordare;* & quidem Legum Latores, Novarum aut Veterum Compositores, singulariter attendunt, ne aliquid dissonum irrepit, & suam hanc in re vigilantiam prædicant, ut testan-

testantur *Præstationes Justiniani*, *Gregorii IX.* & *Bonifacii VIII.* Plurimi etiam Autores extiterunt, & quotidiè exurgunt, qui Leges, sive Civiles, sive Ecclesiasticas, conciliare student: Tales sunt generatim Glosatores, atque Interpretes Legum, qui Textui exponendo ad novare satagunt omnes, qui dissidere videntur, siveque Responsonibus tollere nuntiuntur repugnantia objecta speciem: imò quædam habemus Opera speciatim ad concordiam discordantium Canonum elaborata, ut *Decretum Gratiani*, & quædam ad Leges Legibus conciliandas, sub Titulo Antinomiarum, quæ sunt Legum oppositiones, vel contrarietates.

Igitur, si generatim multum expediat, ut mox probavimus, Jura Juribus concordare, quanti erit momenti conciliatio eorum, qua præcipuum in Jure dignitatem sibi vindicant, Regularum scilicet, qua ejus sunt, ut ita dicam, Principia vel insigniores Consecutiones.

Nos veritatis hujus probè conscos, simulque fidenter sperantes auxilium ejus, qui nostri laboris finis est & columen, Nos, inquam, à proposito neque Operis magnitudo, neque infelis exitus periculum, aut timor nequaquam avocat.

SECTIO I.

Uirum effectus vulgaris Legis Prohibitiva sit, irritum facere actum sibi contrarium.

Exordium faciemus à Regulis hanc Quæstionem spectantibus, quibus digniores nullas novimus, quarum oppositio tolli debeat, atque ad concordiam adduci. Illæ quippe pertinent ad Leges prohibitivas numero infinitas, atque earum dissonantia manifesta apparet.

Ea autem dissonantia duplex est; Prior in eo constat, quod juxta Regulam 64. de R. J. in VI. *Quæ contrà jus sunt, pro infectis utique haberi debent*, porro, hac elocutio disertè significat nullitatem ipso facto, quia simillima est huic, *pro Suspensis, pro Excommunicatis haberi debent*, quæ, ut probatum fuit in Tractatu de Censuris, una est earum, quæ denotant Censuram ipso facto incurrendam.

Juxta hanc Regulam. C. 2. de Testib. & atest. conceptis verbis definit, ea quæ contra Leges sunt, nullam vim habere. *Neceſſe est, ut quod contrà Legem cautum est, non habeat firmitatem*: Caput hoc defumptum est à Sancto Gregorio, qui loquitur de testimoniosis dictis adversus dispositionem Novellæ, quæ nullitatis pœnam disertè non sancit; at nihilominus asserit Gregorius, nullas esse attestationes ejusmodi, illudque ex eo conficit, quod, prohibente Lege, dictæ sunt.

Ex adverso C. 10. Dist. X. à JOANNE VIII. de sumptu doceat, illud, quod contrà Leges fit, irritum non esse, sed dignum esse, quod rescindatur, *Quod contrà Leges accipitur, per Leges dissolvi meretur*: quod congruit Regula, *Qui concessa abutitur potestate, illum meretur amittere*.

Ejusdem sunt conditionis illi Textus, atque ii, qui nonnullos Actus aut Contractus rescissioni obnoxios reddunt, qui annotati & collecti fuere in Tractatu de Contractibus, idemque obtinere debent, atque illi qui Censuras minitantur, jubendo, ut illis feriantur quorundam facinorum Rei, (plures laudati sunt in Tractatu de Censuris) sicut enim Actus valent, donec rescindantur, ita Facinora impunita sunt, donec Judex Censuram in Reos tulerit.

Posterior discordantia est inter Textus jam laudatos ex una parte, & Regulam Cap. 16. de Regularib. laudatam ex altera, scilicet *Multa fieri prohibentur, que, si facta fuerint, obtainent firmitatem*. INNOCENTIUS III. hanc Regulam adhibet ad Professionem Religiosam absque probatione annuā emissam, undē, quoniam Concilium Tridentinum ejusmodi Professionem nullam

esse voluit, prohibitioni suæ pœnam nullitatis adjecit, C. 15. Sess. XXV. de Regular. cāque agendi ratione insinuavit, Legem prohibitivam non importare nullitatem Actuum sibi contrariorum, nisi pœna nullitatis dīserit sanciatur.

Qui conferet hanc Regulam cum laudatis suprà Regulis, fatebitur, hanc illis videri ē Diametro oppositam: posterior enim significat, multis esse Casus, in quibus Actus prohibente Lege confecti, neque irriti sunt, neque rescissioni obnoxii; superiores autem liquidò affirmant, illos Actus esse nullos, vel rescissione dignos.

Actuum variorum plurimæ species in Corpore Juris occurruunt, quorum alii sunt irriti, quia Legibus adversantur; alii, non obstante illa oppositione, stabiles sunt; utriusque casus Argumenta exhibita sunt in *Tractatu de Matrimonio*: ibi commemoravimus Leges Prohibitivas, quæ irritas faciunt Nuptias, in quibus negliguntur, atque impedimenta inde orta ideo vocantur dirimenti: plures etiam aibi attigimus Prohibitivas Leges, quarum violatio Matrimonium illicitum reddit tantum, & quæ vocantur impedimenta merè prohibitiva; denominatio, quæ offendit, saltem circa Matrimonium, Legem prohibitivam irritantem non esse, nisi pœnam nullitatis adjiciat prohibitioni. Similes exhibuimus probationes in *Tractatu de Beneficiis*, ubi plures attulimus species casum, in quibus Provisions nullæ sunt, atque aliorum, in quibus illicitæ sunt tantum, sive per Præsentationem & Institutionem, sive per Electionem, sive per Collationem perfecta fuerint. Tractatus etiam de *Sacramentis*, plures ejusmodi casus suppeditat, nam multos casus exposuimus, in quibus nulla ea sunt, itemque multos, in quibus illicitè dumtaxat conferuntur. Similes habentur in *Tractatibus de Contrahibis, de Judicis*, ubi observavimus, non omnium Solemnitatum, à Jure requisitarum in Contractibus, omissione esse irritantem; sed, nonnullis hunc effectum parentibus, reliquas hoc effectu carere, sed, si neglegetur, Actus illicitos tantum facere. Quod diximus de Contractuum Solemnitatibus, ad Solemnitates Judiciorum producentur est, quarum alia si negligantur, irritum fit judicium; ceteræ autem ad Judicij validitatem non requiruntur, sed ad pleniorum Actuum securitatem.

TRACTATUS de Votis, sive Religionis, sive Vulgaribus, similes continent probationes, sicut *Tractatus de Jurejurando Decalogi expositioni insertus*: Nam v. g. omnes illi Actus, aut Contractus, aut Sacraenta, vel Vota, vel Juramenta ē malâ intentione prodeuntia, sunt illicita, nec tamen nulla. Idem dicendum est de *Tractatu de Vi, Metu ant Seductione*, ubi annotavimus sex esse Actuum species ob aliquod ex illis vitium irritans, ceteras esse solùm rescissioni obnoxias: Item ibi egimus de Simonia, casus observavimus, in quibus Actus propter Simoniam irriti sunt, & nonnullos, in quibus sunt tantum illiciti.

Inter tot ac tam varias Actuum species, qui illiciti sunt, nec tamen irriti, nullus est, qui Legi cuidam Prohibitiva non aduersetur, ideo enim sunt illiciti, quia prohibiti. Plurimum igitur abest, ut mera prohibito Actuum, eos irritos faciat, quibus violatur; quin sequitur, nullitatem, eorum qui sunt irriti, aliund proficiunt, quād ex merâ prohibitione, omnes enim sunt vetiti, sed undū oritur? Aliam non agnoscimus causam, quād elocationem, quæ nullitatem, aut per se ipsam importat, aut ex Confuetudine inducit.

Tum Locutio per se ipsam nullitatem importat, cū nullitatem Actus disertè declarat, v. g. hæc, *Quod secū factum fuerit, irritum esto, vel pro nullo habeatur, aut vi caret, vel stabilitate*. Tunc verò Locutio nullitatem ex Consuetudine inducit, cū solitum est eam instar priorum intelliguntur haec verba, *non posse*, directa ad Personam, cui actus interdictur, v. g. numerere, donare, testari, *non posse*. Sic etiam intelliguntur illa, *confidere non potest*: in prohibitione actus adhibita, cuius luculentum exemplum habemus in Cap. I. de Sent. & Re Judic. quod dicit *Sententiam adver-*

adversus Leges, aut Canones latam confidere non posse, & in Lege 2. ff. de Ritu Nupt. Nuptiae confidere non possunt, nisi consentiant: &c. Eundem etiam intellectum habere debent verba, quæ circumscribunt potestatem agendi; argumento est Can. 3. de Panis. in VI. Voluntas igitur Legislatoris, per verba congrua perspicue declarata, est causa, qua Actus à Lege prohibitos irritos, facit, non prohibito mera.

Itaque ad conciliandas laudatas superius Regulas, quarum alia docent id, quod fit contra Legem, pro infecto habendum esse, alia vero docent plures Actus confidere, non obstante quæ eos probibet Lege; Intelligentæ sunt hæc de Lege, cujus verba nullitatem non sapiunt, illæ autem de Lege, cujus verba nullitatem important, vel expressis verbis, vel æquipollentibus.

Adversus hanc interpretationem Objici non potest, nisi Regulas, que pro infectis habent ea, que sunt contraria Leges, verbis generalibus uti, atque distinguendum non esse quod Lex non distinguit, aut excipendum quod non excipit; Sed Respondemus, ut distinctioni, vel exceptioni locus sit, non requiri, ut sit in Lege, quæ prohibet, sed satis, si reperiat in aliis Legibus, quia Universum Juris Corpus, velut Lex, spectandum est, unde nata est hæc formula, Lex sive Ius hoc præcipit, sive hoc vetat. Itaque sensus hujus Adagii, non esse distinguendum, ubi Lex non distinguit, aut non excipendum, ubi non excipit, est, nullam distinctionem sive exceptionem admittendam esse, quæ non innatur alicui eorum Legum ex quibus coalescit Lex seu Corpus Legum, ac probabile est idèo in R. 64. de R. J. in VI. ultrpari verbum generale, *Ius*, prout significat Corpus Juris, ut in his locutionibus de *Jure* non subsistit, *Jure* canticum, casibus in *Jure* expressis vel à *Jure* missis.

Sic intelligendum est quod legitur Can. 2. XXXV. Quæst. VI. & Cap. 3. Qui Matrimonium accusare possunt, Quod contra interditum & ordinem Ecclesie factum est, ratum non haberet, tamquam inordinatum tam Divina quam Humana Legis authoritas proclamat, illud esset falsum & erroneum, quia circa Matrimonium, de quo illuc agitur, plures sunt Ecclesie prohibitions, quæ sibi contrarios Actus non faciunt irritos.

Quod de nullitate ipsius Facti diximus, producendum est ad nullitatem Sententia ferendæ, que locum habere non debet, nisi in casibus expressis, si intelligendum est Canon 10. Dis. X. Idem debet esse judicium de poenâ nullitatis, ac de ceteris, quibus non est locus nisi in casibus disertè conceptis, atque eo, quo concipiuntur, modo, scilicet ipso Facto, vel per Sententiam Judicis, ut probatum fuisse fuit in Tractatu de Censuris, ubi concessimus omnes Casus Censura à Jure expressos, & discrevimus eos, in quibus ipso Facto incurrit, ab iis, in quibus Censura sunt ferendæ tantum vi Sententia. Quod autem dicitur de hoc genere poenarum, ad ceteras est producendum propter eamdem rationem, scilicet odiū poenarum, quod non fecis ac reliqua odia restringendum est, & proinde illæ non sunt admittenda nisi in Casibus, in quibus Legislator manifestam voluntatem suam fecit.

Frustrè Objiceretur, nullum fore effectum Legis merè prohibitiva, si Actum sibi contrarium irruit non faciat, ac proinde illam esse inutilem: quoniam duplex est effectus illius Legis, Prior est adstringere Subditos ad non faciendum id, quod vetat, Posterior est Contemptores obnoxios facere poenæ, qua ferri debet à Magistratu ad vindictam contumeliarum Legibus inustarum præposito: atque ob hanc rationem, Leges merè affirmativa neque effectu neque utilitate carent. Prior Legum effectus est obligatio; Posterior est subjectio poenæ, quæ ex neglecta obligatio ne nascitur, quia poenam merentur, qui suum non implent Officium.

Quod hucusque diximus ad probandum prohibi-

tionem actuum eos non facere irritos, confirmari potest observatione satis congrua atque obviæ; scilicet, si Lex merè prohibitiva irritos faceret Actus contrarios, inutile fuisset adjicere nullitatem pluribus Legibus prohibitivis, sicut inutile esset jungere Censuram quibusdam Legibus Ecclesiasticis, si omnes Leges Censura subjicerent eo ipso, quod sunt Leges Ecclesiasticae. Sanè dici nequit, ideo nullitatem adjectam esse quibusdam Legibus prohibitivis, ad monendum, illas hanc vim ab ipsa prohibitione sortiri; nam si fuisset mens Legislatoris indicare effectum Legis prohibitiva per oppositionem nullitatis in quibusdam Legibus, illam dilucidè aperire debuisset, ne ad contrariam Sententiam moveret, quod illa nullitas absit à quibusdam Legibus Negativis.

Adjiciendi sunt ad Canones laudatos occasione Reg. 64. in VI. C. 1. de Sent. & Re Judic. & Can. 12. CAUS. XXV. QUÆST. II.

SECTIO II.

Utrum nullus sit Casus, in quo Juris Ignorantia excusationem afferat. & Ignorantia Facti non afferat?

Regula 13. de R. J. in VI. collata cum Cap. 9. de Cler. Excomm. minist. Cap. 2. de Constitut. in VI. C. 40. de Præb. C. 9. de Procuratoribus in VI. Quæstioni proposito locum fecit, sic enim concipiatur, *Ignorantia Facti*, non *Juris excusat*. Generalis est absque ullâ restrictione, aut exceptione hæc Regula.

C. 2. de Const. in VI. incipit ex 2. parte Regula, casum quo Subditi præter suam voluntatem ignorantia præcepta Superiorum; Evidem BONIFACIUS VIII. hanc exceptionem proponit quasi dispensativè, ut Animarum periculis obvietur, Sententiis per quorūcumque Ordinariorum Statuta prolatis ligari nolumus Ignorantes, dum tamen eorum ignorantia non sit crassa aut supina. Sed verisimile est, Pontificem scripsisse nolumus, pro declaramus, declaramus, Subditos non teneri Statutis Ordinariorum, quæ præter suam voluntatem ignoraverunt: ille enim Pontifex peritior erat, ut nescierit, ignorantiam invincibilem excusare à Jure Positivo, atque illam, quæ est præter voluntatem, esse invincibilem, & proinde eos, qui in hæc ignorantia jacent, non indigere, ut dispensetur cum eis à Lege, quæ eos non adstringit.

C. 9. de Clero Excomm. minist. de Ignorantia Facti agens declarat, illam non excusat, nisi sit involuntaria: definit, illos, qui Sacra Munera obeunt non ultrò ignorantia se esse suspensos, non cadere in Irregularitatem, quam subirent, si voluntaria esset eorum ignorantia, ut significant hæc verba crassa & supina, vel si sit Conscientia Erronea; quod intelligendum est de errore spontaneo seu vinci-

bili. Posteriora duo Capita VI. quæ laudata sunt agunt de quibusdam Factis, quorum ignorantia non prodet, licet invincibilis sit; Prius est illud quo datis successivè ad idem Beneficium duabus Gratiis Expectativis, Pontifex priorem revocavit, vel posteriori inseruit Claustrum Anteferrum cum Decreto irritante, inficio Expectante, atque Ordinario; Nilominus Collatio priori Mandatario facta, nulla est, quamvis ille atque Ordinarius Facta ignoraverint: atque hoc est enorme Privilegium Expectatarum quæ erant ejusdem generis. Posterior spectat ad Procuratorem specialem constitutum ad in eundum Matrimonium, qui illud ex persona Constituentis celebrat, revocata jam procuratione, Matrimonium est nullum, et si revocatio à Procuratore ignorata fuerit,

Illa est oppositio, quæ tolli debet. Regula eversa videtur per Textus, quibuscum collata fuit, qui demonstrant casus, in quibus Ignorantia Facti non prodest, & alios, in quibus Ignorantia Juris excusat: Regula autem generaliter definit, hanc non excusare, sed illam: Sed facile conciliatur Canones dicendo, casus laudatos esse exceptions Regulae, illique in ceteris esse locum, quod sufficit ad illam restaurandam, cum vix aliqua sit absque exceptione Regulae.

Glossa in Cap. 2. de Conf. in VI. quod mox laudavimus, innitem eo, quod ibi agitur de Statutis Ordinariorum, quæ Jus peculiare uniuscujusque Dicēceos continent, de Jure singulari intelligit, quod ibi dicitur, Ignorantiam non voluntariam excusare ab illo Jure; atque inde concludit, aliud obtinere cīcā Decreta Juris Communis, quod extrā culpam ignorari posse à nemine contendit. Satis accurata non videtur hæc consequentia; nam, si fieri potest, ut Dicēcesanus invincibiliter ignoret Statuta sua Dicēceos Jure Communi longe breviora, quidni fieri, ut eodem modo ignoret aliquam partem Juris Communis tam longè latèque diffusa? Sanè Ignorantia Juris Communis ex iisdem causis nasci potest, atque Ignorantia Juris singularis, scilicet ex educatione in Regionibus illius Juris insolentibus, ex morbis diuturnis, qui obstant eruditio, ex assiduis occupationibus, quæ prælecritionibus, id est promulgationi Legum, tūm Generaliū, tūm Specialium, interesse non sinunt.

Silemus de Reg. 14. *ibid.* declarante Successorem in jūs alienum censeri ignarum, ac merito rerum à Predecessore gestarum, quia non est opposita REG. XIII. de quā agimus. Sufficit observare illam præbere exemplum, in quo excusat Ignorantia Facti, & sic confirmare Primam Partem REG. XIII.

Quod attinet ad exceptions petitas è Cap. 9. de Cler. Excomm. ministr. & ex C. 2. de Constitut. in VI. illæ subintelliguntur in Regulā. Hinc enim Ignorantia Factorum injusta non excusat à peccato, spontanea autem Ignorantia injusta est, quoties de rebus scitu necessariis agitur, inde Ignorantia Juris non voluntaria caret culpa, atque à peccato excusat.

Quoad Cap. 9. de Procur. in VI. necessaria fuit illa definitio, ut occurreretur consecutionibus acerbioribus Nuptiarum perfecti consensū expertum.

Denique postrema Regula ex Cap. 40. de Præb. in VI. fundatur in plenitudine Potestatis, quā in rebus Beneficialibus tunc fruebantur Pontifices, qua plenitudini Iustitia non satis cohāret. Caput illud est Bonifacii VIII. exeunte Sæculo XIII.

Ignorantia Juris nasci potest ex obscuritate aut ambiguitate Legis, in cuius expositione disident Interpretes, ita ut genuinus sensus invincibiliter ignoretur: ejusmodi Lex, cum careat perspicuitate, quæ legitur essentialis esse, obligatoria esse non videtur. V. FAGNANUM Cap. 13. de Constit. n. 34.

SECTIO III.

Utrum Praefules, qui jus condendi Leges habent, teneantur observare, atque observari curare, Leges suorum Praedecessorum, cum eas consisterre Ecclesia utilitas postulat.

Regula, Par in Paren non habet imperium, Praefules ab hoc vinculo solvere videtur. C. 20. de Elec. eadem est species hujus, Praedecessor Successoribus præjudicium afferre non potest, pari imo eādem potestate functionis, *ibid.* nam ad astringendas personas necessaria est autoritas in ipsas & nulla ligatur, quin ei fiat præjudicium.

Aliundè Ratio Legis est superior tūm ejus Conditori, tūm ejus Successoribus; ipsa enim est Leges sanctienda Causa; undē *Can. 2. Dist. IX. S. Isi-*

dorus

dicit, Legislatores agnoscere debere semetipos teneri ad observandas Leges, quas tulere, atque in animum inducere se, nisi eas observent, significatores, eas non sibi videri æquas, aut contemptu eas suo objecturos exemplo. Ratio autem Legis est utilitas communis juxta *Can. 2. Dist. IV.* in quo idem Author, enumerat inter conditions Legis utilitate, docet eam non esse privatam ipsius Conditoris, sed communem Civium utilitatem: *Nullo privato commode, sed pro communi Civium autoritate conscripta.* Id ipsum supponit INNOCENTIUS IV. C. 2. de Privil. in VI. dūm afferat rationem Legis, quam condit, *Ad commune commode & profectum aliorum intendentis.* Itaque quādū Publica utilitas requirit, ut vigeat Lex, non licet Successori eam antiquare, vel eam ipse non observando, sed à ceteris impunè violari finendo.

Inde proficiscitur illud S. LEONIS. C. 3. CAUS. XXV.

QUEST. I. *Qua ad perpetuam utilitatem generaliter instituta sunt, nulla commutatione varientur, nec ad privatum trahantur commodum, que sunt ad bonum commune praæpresa:* Hæc Sententia supponit Legem tamdiu vigere debere, quādū aliquid ad publicam utilitatem confert. De his Legibus intelligentius est *Can. 1. ibid.* in quo dicit Gelasius Sedem Primam p̄æ ceteris excepti debere uniuscujusque Synodi Constitutum, quod Universalis Ecclesiæ probavit assensus.

Idem fit judicium de *Can. 7. ibid.* in quo dicit Zozimus autoritatem Sedis Apostolica nihil contraria Statuta Patrum condere posse, aliquid ve immutare, atque apud se inconveniens radicibus vivere Antiquitatem, cui Decreta Patrum fauè reverentiam. Non secus est de omnibus Canonibus, qui Decreta Sedis Apostolica, Divinis Constitutionibus consociando, dicunt illa temerare fas non esse; *Can. 4. ibid.*

Perindè est de his S. GREGORII verbis, *Iustitia ac Rationis ordo suadet, ut qui sua à Successoribus cupit Mandata servari, Decessoris sui procul dubio voluntatem ac Decreta custodiat.* C. 15. *ibid.*

Sic etiam intelligendi sunt *Can. 2. & 5. CAUS. XXV.* QUEST. II. in quibus ait S. LEO *Ad suum tendere reatum, si Paternarum Regula Sanctionum juxta Privilegia ac Jura Ecclesiarum, se consentiente vel negligente, violentur.*

Idem fit de *Can. 7. ibid.* in quo docet S. GREGORIUS, *Institutionis Pontificalis Decreta perpetua stabilitate & sine aliquā refragatione esse servanda, nimisque asperum esse & præcipue bonis Sacerdotum moribus inimicum nisi quempiam quæ bene sunt ordinata rescindere, & Exemplo suo docere ceteros sua quandquid post se Constituta dissolvere:* Perindè est de *Can. 10. & 12. ibid.* Sibi se injuriam facere, si Majorum Statuta infringaret, atque Ecclesiastice moderationi esse omnino conveniens, quæ ordinata fuerint vel rationabiliter decisa, nullā in posterum refragatione turbari.

Denique idem Pontifex exponit quod dictum est de obligatione Successorum ad servanda tūm per se, tūm per ceteros, Decessorum Decreta *Can. 19. ibid.* distinguendo justa & utilia ab inquis & inutilibus; *Decessorum Statuta, sicut legitima & justa Successorem custodire convenient, ita debet etiam male facta corrigere.*

Quādū durat communis utilitas, justæ sunt Constitutiones; si exoleverit, exolescit pariter æquitas Constitutionum; juxta *C. 1. de R. J.* Per quācumque causas res nascitur, per easdem dissolvitur: propter commune bonum justæ sunt Leges, igitur oppositâ viā sunt injictæ. V. GONZALEM in hanc Regulam, ubi multa afferat exempla, quæ hanc nostram accommodationem confirmant, scilicet rem aliquam per rem contrariam destrui.

Quādū igitur vigeat utilitas Legum à Decessoribus latarum, tāndū eas custodiare teneantur Successores, atque observandas curare; quamvis eorum Maiores nullam habuerint in eos autoritatem: illa enim obligatio non oritur ex autoritate Decessoris in Successorem, verū ex autoritate rationis Legum justarum

justarum, quæ astringit omnes, qui ad condendas Leges sunt præpositi, eosque cogit ad eas conservandas, quæ juri conditæ sunt, modò commune bonum requirat, ut vigeant illæ, sicut jubet, ut illæ, rebus in contrarium veris, antiquerunt; Dignitas cum oneribus suis, perindè ac cum suis honoribus in Successorem transit. *Rationi congruit, ut succedat in onere, qui substituitur in honore R. 77. de R. J. in VI. quæ innititur R. 55. Qui sentit onus sentire debet commodum, & è contraria.*

Regula duæ ex C. 20. de Elect. desumpta, non spectant ad obligationem servandarum Decessoris Legum, & curandi ut serventur; verùm ad facultatem dispensandi ab eis, ut indicat id, quod immediate antecedit, scilicet *Per Constitutionem fætam à Prædecessore non admittitur Successori dispensandi facultas.* Regula sequentes sunt rationes illius Definitionis, & justæ sunt; nam Successor non potest, nisi à superiori spoliari dispensandi facultate, quæ sua Dignitati coheret, in cuius jura omnia succedit, sicut in ipsammet Dignitatem.

Itaque Regulæ illæ non adversant Canonibus, quibuscum collatæ sunt, nam hi hactenùs probant, Successorem teneri ad execendum, atque servari cùrandum Leges Majorum, quamdiu id commune bonum postulat, atque necessitatem hanc esse unum ex oneribus Dignitatis in quæ succedit, sicut in ipsam Dignitatem. Regulæ autem, quæ oppositionem redolebant, non agunt nisi de facultate dispensandi, quâ Successor spoliari nequit, nisi per authoritatem sua antecedentem.

Hic discutiendi non est locus, utrum dispensandi facultas Episcopis adempta fuerit per reservationem ad Pontificem, atque an C. 4. de Concess. Præb. hanc reservationem probet per hæc verba INNOCENTII III. ejus Dignitatē commendantia, *Qui secundum plenitudinem Potestatis de Jure possumus Jus præ Jus dispensare?* Sufficiet remittere ad Regulas circa facultatem dispensandi insertas Tractatu de Jurisdictione Ecclesiastica, atque hic obiter observare, i. ibi agi de prohibitione promittendi vel conferendi Beneficia ante vacationem, quæ tanti est momenti, ut necessaria sit ad dispensandum plenitudo Potestatis, ac proinde nihil indè concludi posse ad reliquias Dispensationes.

2. Ultramontanos ex his verbis, *suprà Jus dispensare, elicere, Pontificem esse Juri Positivo Superiorum, atque cùm hac Prærogativâ solus fruatur, eum solùm posse dispensare, prout voluerit, circa Beneficia, quorum ipse Dominus est:* verùm Illi pravè utuntur verbo *suprà* illæ apposito pro *circà*, quia Pontifex nihil aliud dicere studet, nisi sibi datur jus facultatem dispensandi à Jure etiam in gravioribus casibus.

3. Prætentam illam Superioritatem in Jus annihi-
lari per Decreta Pontificum mox laudata, qui se
subditos agnoscunt Canonibus conditæ, sive à suis
in Sede Apostolicâ Majoribus, sive ab Autoribus
Synodis.

4. Probatum fuisse Pontificem, ubi conferebatur
cum Ecclesiâ Universalî & Conciliis Generalibus, Pon-
tificem, inquam, ipsis esse subditum, ac proinde
Decretis ex eorum Authoritate prodeuntibus. V.
Tract. de Pontif.

SECTIO IV.

*Quâ Ratione conciliandi sunt Textus, qui Jus Ca-
nonicum cum Divino Jure confundunt, atque
illi, qui utrumque dilucidè fecerunt.*

Prioris generis Textus sunt i. li, qui loquentes de Constitutione Studiorum Juris Divini & Juris Humani Romæ, declarant per Jus Divinum designari Jus Canonicum & Jus Civile per Jus Humanum. Tom. I.

num. Talis est C. 2. de Privil. in VI. Providemus quod ibidem de cætero regatur & vigeat Studium Juris Divini & Humani, Canonici videlicet & Civilis.

2. Illi, qui Canones Spiritui Sancto, perindè ac Sacram Scripturam adscribunt; Tales sunt præ cæteris C. 5. CAUS. XXV. QUÆST. I. qui asserit Violatores Canonum blasphemare Spiritum Sanctum, cujus nutu & gratiâ Sancti Canones editi sunt: & C. 5. CAUS. XXV. QUÆST. II. in quo S. LEO de Nicæni Canonibus agens, eos Spiritu Dei conditos nuncupat. Secundum SS. Patrum Canones Spiritu Dei conditos: Tales sunt Canones Conciliarum, quæ se in Spiritu Sancto congregata esse asserunt, ut Constantiense, Basileense, Tridentinum.

3. Illi, qui Quatuor priores Synodos Generales, atque eadēm viâ ceteras Oecumenicas adæquant Sancto Evangelio C. 2. DIST. XV. in quo dicit S. GREGORIUS, se sicut Sancti Evangelii Quatuor Libros, sic Quatuor Concilia suscipere ac venerari.

4. Illi, qui Leges Canonicas inter Leges Divinas collocant, ut sex priores CAN. DIST. X. à Gratiano laudati, ut probet Constitutiones Principum obsecuti Constitutionibus Ecclesiasticis. Primus desumptus à NICOLAO I. Legem Divinam inter Constitutiones Ecclesiasticas complectitur; nam, ut probet Lege Imperatorum non in omnibus Ecclesiasticis Controversiis utendum esse, dicit, *cas Evangelicæ ac Canonicæ Sanctioni aliquoties obviare:* Item, *Legem Imperatorum non esse sibi Legem Dei, sed subiùs;* atque *Imperiali Judicio non posse Ecclesiastica Jura dissolvit;* tum laudat duo testimonia suorum Prædeceßorum, qui Legibus Imperialibus Ecclesiasticas Leges anteposuere, primus est INNOCENTII I. qui dicit, *Divisim Imperiali Judicio Provinciis, ut Due Metropoles fiant, Ecclesiam Dei non commutare Honores, aut Divisiones perpeti:* alterum est à GREGORIO, *Si inquit, Religionis causa Coniugia debere dissolvi dicantur, sciendum est, quia, et si hoc Lex Humana concessit, Lex tamen Divina prohibuit:* Denique sic concludit N. COLAUS: *Ecce quemadmodum Imperiali Judicio non possunt Ecclesiastica Jura dissolvi, sibi qualiter quod Lex Humana constituit, Lex Divina prohibuit.* Porro prohibitio dividendi Metropolim Ecclesiasticam, quando Princeps Provinciam in duas dividit, est Constitutio merè Ecclesiastica aut Canonica; altera, quâ Religionis causa dissolvi Matrimonium consummatum prohibetur, est Divina & Canonica simul; Canon ille desumptus est ex Epistolâ ad Episcopos secùs Convicinum congregatos directâ.

In 2. Canone SYMMACHUS in VI. Synodo Romana, regnante THEODOREO dicit, *Non licet Imperatori . . . aliquid contrâ Divina Asadata præsumere, nec quidquam, quod Evangelicis, Propheticis, aut Apostolicis Regulis obviet, agere.* Consilium GRATIANI postulat, ut illæ Regulæ inter Leges Canonicas habeantur.

In 3. Canone FELIX multis modis declarat in Causis Dei (seu Causis Ecclesiasticis) Regiam voluntatem Sacerdotibus Christi subdendam esse, non præferendam. &c. Ne, dum mensura Cælestis Dispositionis excedit, eatur in contumeliam Disponens.

Canon 4. asserit Constitutiones contrâ Canones & Decreta Præfulum Romanorum, vel Bonos Mores, nullius esse momenti.

Canone 5. laudatus jam N. COLAUS ad MICHAELM scribens dicit, *Imperium vestrum suis Publicæ Rei quotidiani administrationibus debet esse contentum, non usurpare quæ Sacerdotibus Dei solùm convinent.*

Canone 6. S. GREGORIUS Nazianzenus Tribunalibus Ecclesiasticis Sæcularia conferens dicit, *Hæc tantum ab illis superari, quantum Spiritu Caro, Cælestibus Terræ, Divinis Humana.*

His Canonibus addendus Can. 4. DIST. XXV. QUÆST. I. in quo significat HILARIUS Papa, se sibi tantum

tantum videri ad servanda Sedis Apostolice Decreta, quantum ad Divinas Constitutiones adscriptum, & Can. 2. Dist. XII. qui dicit, *Canones consuetudini praevalere*. Quod est una è Juris Divini prærogativis; idem fert C. 2. Dist. XI.

Atque illi sunt Textus, qui Jus Canonicum cum Jure Divino permiscere videntur; Hi autem utrumque egregie fecerunt.

Tales sunt, 1. Omnes, qui docent, Canones anti-quari posse per contrariam Consuetudinem; id expre-sse asserit. C. 11. de Confus. Illud elicitor ex omnibus Canonibus, qui de Canonica Præscriptione loquuntur, quorum præcipui sunt in CAUS. XVI. Quæst. III. & IV. qua spectat ad Definitiones Canonum, qui bus his Canonibus derogatur.

2. Illi, qui docent in Scripturis Sacris, quæ Jus Divinum continent, nihil exhiberi, quod iniquum aut non verum sit, secus esse autem de Scriptis Patrum, & quibus multi Canones eruti sunt; & de quibuscumque privatis Scriptis concepta sunt S. Augustini verba. C. 3. 4. 5. 6. 7. 8. 9. 10. Dist. IX.

3. Illi, qui significant, Legem Divinam esse immutabilem, atque dispensationi non subditam, Leges autem Canonicas esse mutationi ac dispensationi obnoxias. v. Dist. IV. V. VI. IX. XI. XII. Quod enim ibi dicitur de Consuetudine, potest accommodari Legibus merè Canonis, quoniam de Consuetudine Ecclesiastica potest intelligi, quæ habet vim Legis Canonicae, sicut Consuetudines inutiles, aut Juri Naturali vel Di-vino adverantes, servari non debent, sed utrique cedere, ita & Leges inutiles, vel contraria Bonis Moribus, Rationi, Veritati, quæ verba sunt Juri Divino vel Naturali synonima: Multi Canones collecti sunt in Tractatu de Constitutionibus, qui ostendunt, Constitu-tiones Ecclesiasticas esse mutationi obnoxias, & multi in Tractatu de Dispensationibus, qui ostendunt, in illis esse dispensationi locum.

4. Illi, qui ostendunt Legem Divinam esse ubique eam lem, secus esse de Canonibus, qui variii sunt pro variis Temporibus, & Locis, in toto Jure passim.

5. Illi, qui Infideles Legibus Divinis subjiciunt, atque eos à Legibus Canonis immunes declarant. C. 4. de Confus. C. 8. de Divor.

Atque hi sunt præcipui Textus posterioris generis cum Superioribus componendi. Quod facile fiet, si me-minerimus eorum, quæ dicta sunt initio Prolegomenorum, scilicet esse Canones, qui Divini Juris circè Fidei aut Mores executionem curant: illi autem ad Jus Divinum, quod interpretantur, aut promulgant, aut jubent servari, pertinent; quæ dignitas præcipue convenit Canonibus Conciliorum Generalium, quorum Definitiones Juris Divini prærogativas fortun-tur, cum sint infallibilis, immutabilis, atque dispen-sationem excludant: Horum Canonum ratione, Jus Canonicum, vocatur Jus Divinum in 1. Textu, laudatur & confunditur eum eodem Jure in ceteris Textibus prioris generis.

Cæteri Canones Divino Juri adjiciunt, quasdam In-stitutiones ad Disciplinam pertinentes, quarum infi-nitus est numerus. De his Canonibus intelligendi sunt Textus, qui distinguunt Jus Canonicum à Jure Di-vino.

Aequissima est autem illa distinctione; nam Jus Canonicum sic spectatum, omnibus Humani Juris vitiis est obnoxium; nec refert de Canonibus generatim dici, illos esse à Spiritu Sancto conditos; hoc enim ideo dicitur, quia sunt ut plurimum Canones in Comitiis, quibus eius auxilium majus aut minus pro eo-rum ratione promissum fuit: unde oritur discri-men inductum inter Definitiones Coaciliorum Generalium debito modo coactorum, atque habitorum, & ceteros Canones, Prioribus infallibilatem adscribens. Auxilia Spiritus Sancti, prout opus est, dividuntur, eo autem majori in Concilii opus est, quo gravior est Canonum Materies. Hac ope, quota quanta sit, Ca-nones reverentiam merentur, sed illi, qui merè Dis-

ciplinam spectant, non sunt eveneti suprà Legum Hu-manarum conditionem, sed variii sunt pro variâ Per-sonarum, Temporum, & Locorum ratione, ac pro variâ eorum, quibus constituantur, indigentia varia-biles.

Secundum opinionem eorum, qui putant reservationem Caifarum Majorum pertinere ad Pontificem ex Institutione Divinâ, sicut ejus Primatum, inter Canones Juri Divino pares adscribendi sunt illi, qui de hac reservatione agunt: hoc sensu INNOCENTIUS III. C. 2. de Transtat. dicit ex Institutione Divinâ, non ex Humanâ Constitutione, Spiritualis Conjugii Episcopi cum Ecclesiâ dissolutionem per translatio-nem, demissionem, aut depositionem, Sedi Aposto-licâ reservari. Putavit enim, nonnullos Canones, qui Pontifici adscribunt facultatem hujus dissolutionis, eam spectavisse velut consecutionem ejus Divini Pri-matûs. FAGANUS in C. 8. de Confus. n. 13. alios affert Textus ad probandum, Jus Canonicum, Divi-num vocari, & Juris Divini nomine comprehendendi.

SECTIO V.

Utrum sit aliqua species Actus, qui, cum nullus esset initio, tractu temporis possit convalescere: vel qui validus initio, per subsequens factum invalidus fiat: Denique utrum CAP. XII. de Regular. probet alterutram conciliationem ejus Textus cum R. XVIII. & LXXIII. de REG. JUR. in VI.

Primùm distinguendi sunt Actus nulli, ab Actibus annullabilibus.

Actus nulli, sunt ii, qui pro rati effectu carent, putâ Actus Absoluti sine legitimâ potestate confecti, vel omisis solemnitatibus essentialibus v. g. Actus Collationis & Præsentationis ab iis facti, qui nec ti-tulo, nec possessione, nec quasi possessione juvantur; Actus celebrationis Matrimonii sine Testibus requisi-tis, atque ab alio, quam legitimo Ministro.

Actus annullabilis, sunt ii, quorum effectus pendu-lus est, partim ob defectum consensus alicuius personæ, & qui rati sunt aut irriti per factum poste-rius: Rati, si gravatae Partes non querantur intrâ legitimum tempus. Irriti, si Partes læsa querantur. Tales sunt Electio[n]es, ad quas aliqui Electores non sunt vocati, quæ effectu carent, si eorum aliquis, queratur intrâ tres menses ad Electionem datos, & vim sortiuntur, si nemo intrâ illud tempus queratur. Tales sunt Collationes ab Ordinario factæ in præjudicium Patroni, vel Collatoris Inferioris; nam si hi non querantur intrâ sex menses, valent Collationes, quæ fierint irritæ, si intrâ tempus præstitutum querantur Personæ læsa.

Non agimus hic de Actibus annullabilibus, de qui-bus convenit, eos per factum posterius ratos aut ir-ritos fieri posse. De Ratis aut Irritis ab initio Acti-bus loquimur, & Quaritur. Utrum illi ex post facto vim suam amittere, & hi vim, quam non habebant, nancisci vealent?

Circa hanc Questionem duæ sunt Juris Regulae, quæ absolute negant, utrumque fieri posse, scilicet XVIII. & LXXIII. de Reg. Jur. in VI. Prior est, Non firmatur tractu temporis, Quod de Jure ab initio non subsilit. Posterior sic concipiatur. Factum legitimè re-trraictari non debet, licet causus postea eveniat, à quo inchoari non potuit. Haec Regula in sensu opposito accepta, alia in alterâ continentur; id enim postular ratio contrariorum: nam, si Actus irritus tractu tem-poris convalescere non potest, Actus ratus ex post facto dissolvi non debet, vel, si factum posterius Actui, qui ratus fuit, nocere nequit, neque etiam prodest debet ei, qui ab initio fuit irritus. Haec posterior Regula restringenda est ad Actus absolutè indisolu-biles, putâ Matrimonium consummatum; Consum-matum,

matum, inquam, quoniam non consummatum per Professionem Religiosam legitimè factam dissolvi potest.

Quoad actus dissolubiles, illi procul dubio legitimè possunt retractari propter factum posterius, quamvis ritè perfecti fuerint, quorum exemplum vulgare sunt Sponsalia, qua justè solvuntur per casus subsequentes, qua si præivissent, ipsa fuissent, irrita. Itaque Regula Posterior minus patet, quam altera, cùm exceptions quasdam patiatur, hæc Prior autem nullas; nam exempla, quæ afferuntur ad probandum, actus nullos ob defectum consensus, convalescere, posse per consensum subsequentem, pertinent ad actus annullabiles, vel si spectent actus irritos, non congruent; numquā enim actus ob defectum consensus nulli, convalescent per subsequentem consensum, sed reparatur nullitas actus irriti, validum actum substituendo.

Remotis jam omnibus, quæ caliginem offondere possent Conciliationi, quam querimus; afferenda est Summa Cap. 12. de Convers. Conjugatorum, quod adversari videtur expositis Regulis. Cū à Celestino III. quæsumus foret, utrum Mulier, quæ putans, Virum suum esse defunctum, habitum Religionis sumpferat, & regresso Viro, è Monasterio exierat, eo mortuo teneretur in Religionem redire, Respondet ille, illam Professione suā, quod suum erat, obstrinxisse, & proinde semetipsam obligavisse in tempus, quo libera esset; undē concludit eam redire debere, quia in eum casum pervenit, in quo votum efficax emittere poterat. Respondemus, quod licet votum ejus non tenuerit usqueaque, ceterus tamen fuit obligatorium quatenus se poterat obligare; promisit enim intrando Monasterium, se non exactram carnis debitum, quod erat in potestate ipsius, redire verò ad Seculum in ejus potestate non erat, sed in potestate Mariti, & idē quantum ad ipsam tenuit votum, quod post viri obitum tenere non desit, cū ad eum Casum, à quo poterat efficax habere principium, pervenisse nolcatur.

Hic Textus adversari videtur Regulæ XVIII. in eo quod dicit, actum, qui ab initio non constituit, tractu temporis convaluisse, & Regulæ LXXIII. in eo, quod supponit, actum nullum, si pervenerit in eum casum, quo fuisse efficax, indē trahere vim, quā caruit. Regula autem in sensu contrario accepta docet, eventu subsequentे actum non fieri ratum, licet ab eo causa potuerit inchoari.

Sed oppositio est tantum in terminis, nam 1. Pontifex loquitur de actu irrito ex una parte, ex altera rato; Regula autem XVIII. loquitur de actu absoluto nullo. 2. Vult tantum, ut illud, quod firmum est, subsistat; dum ejus effectus partim suspenditur propter obstaculum absolutam executionem impediens, coque sublatu obstaculo actus effectum suum plenissimè sortiatur, sed difficile intellectu quodammodo idem actus partim nullus, partim validus esse posse: hinc ratus; hinc irritus: irritus respectu ejus, cui iniuste nocet; efficax respectu ejus, à quo profectus est: videtur enim, quod perinde atque in Rebus Moralibus unicus defectus sufficit ad vitiandam actionem, ita obtinere debet in ceteris quibuscumque rebus. Itaque postea significat Pontifex in rigore suam Definitionem difficultate non carere; nam premisso, se judicare salubrius fore illi Mulieri, si redeat in Monasterium, adjicit, eam tamen ad id compelli non debere. *Confutius itaque ducimus, ut vanitibus Seculi derelictis, ad Monasterium redeat;* ubi bona ducta intentione Professionem fecit: si verò ad hoc induci non potuerit, invitam ipsam credimus non cogendam. GONZALES in hoc Caput contrà objicit Epistolam Petri Bleensis, qui credit Professionem esse nullam, & proinde illam tursus nubere posse post obitum Viri, & solutio, quam afferit, Textui adversatur, & nota præcedenti, in quā agnoscit Professionem esse validam saltem quoad Continentiam servandam post obitum Mariti, quod non coheret,

Tom. I.

cū vix concipi valeat, quomodo idem actus possit esse partim nullus; partim validus: addé, quod perinde est de hoc Casu, ac de illo, quo Mulier credens Virum obiisse, alteri nupsit, postea verò errore detecto, ad Virum priorem rediit, quæque isto verò mortuo, ad posteriorem reverti nullatenus obligatur.

SECTIO. VI.

Quare in quibusdam Argumentis illicitum haberi debet, Quod expressè non permititur, & in aliis, licitum videri debet, Quod discribere non interdicitur, & Quænam sint illa Argumenta.

R Egula Posterior extat in Cap. 29. de Sent. Excom. his verbis, *Quia tamen Conditor Canonum Absolutionem ejus sibi specialiter non retinuit, eo ipso concessisse videtur facultatem alii relaxandi*, agit de Excommunicatione per Canones sanctitatis, & dicit, Absolutionem Censuræ, quæ specialiter non reservatur Autori Canonis, ceteris concedi. Quoniam agitur de Absolutione Censurarum, Quidam Autores indē concludunt, eam Sententiam esse Absolutioni peculiarem, nec attendunt huic Argumento accommodari potuisse Regulam Generalem, ut solent specialibus Casibus applicari Generalia Principia.

Alia Sententia reperitur in C. 2. de Translat. ubi ait INNOCENTIUS III. esse quoddam casus, in quibus vetitum censeri debet id, quod non est disertè permisum. Nonnunquam intelligitur prohibitum quod non inventur concessum. (§. 2. præsertim eum.) Agit de facultate, quæ habet Metropolitanus, ad cogendum Suffraganeum, ut Dignitati renunciet, si Consecrationem suam fieri quinque Mensibus neglexerit, supponensque Canones, qui hanc facultatem tribuunt Metropolitanu, ei potestatem Suffraganeos transferendi non dedisse, concludit, eam illi non pertinere, suamque Conclusionem duabus confirmat rationibus, quarum Posterior ea est, quam retulimus.

Elicitur etiam eadem Sententia ex Cap. 5. de Uſa & Autor. Pallii & similibus, quæ docent, Metropolitanum uti non posse Pallio, nisi diebus expressè concessi; necnon ex Cap. 15. de Tempor. Ordin. in quo INNOCENTIUS dicit, Metropolitanum mandare non potuisse Suffraganeo suo, ut uno & eodem die Virum eundem ad tres Ordines Sacros promoveret, cū illi hujusmodi Dispensatio à Canone minimè sit permissa.

Eadem reperitur. 1. in omnibus Textibus, qui laudant Regulam, *Quod non est Sanctorum Patrum Decretum sanctum, non est superflitiosis adinventionibus presumendum.* Ejus generis sunt cit. C. 2. de Translat. & Can. 20. CAUS. II. Quæst. V. à STEPHANO V. de sumptu, ubi legitur Documento pro Decreto: Ex illis etiam Textibus est Cap. 6. de Hæret. in VI. in quibus id, quod licitum est in uno Casu, prohibetur in ceteris, ille est casus Dispensationis limitata, quæ in gratiam Fidei conceditur.

Atque illi sunt Textus oppositas Sententias continentis, qui conciliari debent. Quænam sint Argumenta, in quibus unaquaque locum habeat, indicabit Conciliatio; sed antea observandum est, utramque spectare facultatem faciendi res nonnullas, quarum alia Jurisdictionem requirunt, alia vero non requirunt. Potestas Jurisdictionis, est Ordinaria, vel Delegata: Ordinaria certa negotiorum genera spectat, eaque universim complectitur; Delegata in certis negotiis circumscribitur: Potestas Ordinaria acquiritur per Dignitatem, cui illa coheret, vel per Mandatum Generale Ordinarii: Potestas Delegata acquiritur per Mandatum Speciale. Potestas Ordinaria potest restringi per Reservationes in gratiam Superioris factas, vel per Privilegia, quæ aliis aliquam dant ipsius partem, vel per Consuetudinem, aut Præscriptionem.

d 2

Ordina-

Ordinarius potest quocumque ipsi non admit Reservatio, Privilegium, Confuetudo, aut Praescriptio: unde fit, ut qui de aliquâ potestate, item movet Ordinario, tenetur probare, illam sibi ex aliquo horumce Titulo pertinere, & donec id praeſiterit præsumitur pro Ordinario, qui interim frui debet ac in fruitione manuteneri.

Si Potestas Ordinarii ei partim restituta fuerit per derogationem factam ipsius limitationibus, quoad hanc restitutionem nil potest præter id, quod illi conceditur aut restituitur; plura hujus rei habemus exempla in Derogationibus à Tridentino factis, Reservationibus, & Exemptionibus quoad certa Capita. Ordinarius nihil recuperat præter potestatem, quæ ipsi per derogationem redditur; atque in hac re pro Delegato habetur.

Itaque Posterior Sententia ad Ordinarium spectat, Prior vero ad Delegatum, & eos omnes, qui pro Delegatis haberi possunt; tales sunt Procuratores a certa negotia, Arbitri ad quasdam lites electi; Delegatio, Procuratio & Compromissum definitur circa Potestatem illarum Personarum, quod id, quod illis non datur, eis interdicuntur. Confessarius, cui certi casus reservati conceduntur, nihil potest ultrâ casus concessos: ejusdem conditionis sunt Peccantiarii, atque ipsi etiam Vicarii, quibus Episcopus non nisi quoddam est casibus sibi reservatis mandavit, alios personæ suæ retinendo.

Quoad res, qua Jurisdictionem non requirunt; Qui eas Jure communi possident, possunt quod sibi non interdicuntur: Ceteri nihil possunt, præter id, quod eis conceditur. v. g. Curati possunt percipere omnes Decimas, quarum perceptio ipsi non prohibetur; quia Decima Jure communi Curatis debita sunt; Ceteri qui eas, ex Privilegio percipiunt aut Consuetudine, aut Praescriptione, nihil percipiunt præter id, quod ex iis Titulis, acquisitum est.

SECTO VII.

Quis consensus Textuum, qui dicunt, „Laicos „etiam piros non esse in Ecclesiâ, nisi obe- „diendi; non imperandi gratia: eosque nullam „acepisse Potestatem in Personas & Bona „Ecclesiastica, cum eis, qui docent Principi- „bus commissam esse Ecclesiæ Curam, cuius „rationem, si eam neglexerint, Deo sunt „reddituri?

Exordiem à commemoratione Textuum, de quibus agitur. Præcipui Prioris generis sunt Cap. 10. de Constitut. Cap. ult. de Reb. Eccles. alien. & Can. 1. Dist. XCVI. Primus Tertio innititur, & quoad Argumentum nostrum ait INNOCENTIUS III. Attendentes, quod Laicos etiam Religiosi super Ecclesiis & Ecclesiasticis Personis nulla sit attributa Potestas, quos obsequendi manet necessitas, non autoritas imperandi, à quibus si quid proprio motu statutum fuerit, quod Ecclesiârum etiam respiciat commodum & favorem, nullius firmatus existit, nisi ab Ecclesiâ fuerit approbatum: Quod deinceps probat per Decretum Concilii Romani, sub SYMMACHO, quod reprobavit Statutum BASILII Praefetti Praetorio, & Vices agentis DOGACRI Italia Regis, de non alienandis Praediis Rusticis, vel Urbanis, Ministeriis, & Ornamentis Ecclesiârum, hâc potissimum ratione, quod non fuit autoritate Romani Pontificis roboratum.

Factum in hoc Textu laudatum legitur C. 1. DIST. XCVI. in quo refertur Constitutio BASILII, & Decretum CONCILII, quod illam legi jussit, atque ob multas rationes improbavit: illius duo erant Capita, primum circa Electionem Pontificis versabatur, eamque fieri vetabat, nisi vocatus esset, ut turbis occur-

reret Praefectus; hâc prohibitio Patribus ingratuit, qui timebant, ne Laici electionem præterirent, ut indicant hæc verba CRESCONII unius ex illis Episcopis: *Prætermis Personis Religiosis, quibus maxime curæ est de tanto Pontifice, Electionem Laici in suam redigerent potestatem.* Notandum est, BASILII expovere in Praefatione le admonitione *Beatissimi viri SIMPLICII* hoc Statutum fecisse: Quædam M. S. ferunt Symmachum pro Simplicio; cum Symmachus de hac Constitutione queratur, credibile est, Basilius loqui de Simplicio.

Caput alterum spectat prohibitionem alienationis, de quâ locuti sumus, atque inter pœnas, quæ ibi proponuntur, est Anathema; quod absurdum visum est, Laicum hominem Censuras in Ordinem Ecclesiasticum distare; sed hac potissima non fuit ratio à Patribus allata, sed Pontificem Romanum, ad quem præcipue attinebat hoc Decretum, ejus participem non fuisse. Ultima Ratio fuit, ne subsisteret illa Scriptura ad Ecclesiæ Commodum vergens, in eo quod irritabat, quacumque fierent in Ecclesiæ præjudicium, atque Emptorem ac Venditorem ad restitutionem omnis cause cogebat; ne, inquam remaneret exemplum presumendi quibuslibet Laicis quamvis Religiosis vel Potentibus quolibet modo aliquid decernere de Ecclesiasticis Facultatibus.

Verba INNOCENTII III. *Quos manet necessitas obsequendi, non autoritas imperandi, deumpta sunt ex sententiâ Mediolanensis Episcopi relata in hoc CAN. 1. DIST. XCVI.*

Hi Textus videntur inniti R. LI. de R. F. in VI. qua fert: *Semel Deo dicatum, non est ad Ussus Humanos ulterius transferendum; fortasse visum est, quod sicut Consecratio Bonorum Ecclesiæ, ea à Seculari Commerce subducit, ita illa Autoritati Seculari subtrahit.*

Posterioris generis Textus sunt in CAUS. XXIII. QUEST. V. C. 20. 21. 22. 26. CANON. XX. sic loquitur de Principibus: *Cognoscant Principes Seculi, Deo debere rationem reddere, propter Ecclesiæ, quam à Christo tuendam suscipiant: tunc subjicit, nam fratrem augerat Pax & Disciplina Ecclesiæ per Fideles Principes, fratrem solvatur, ille ab eis rationem exigit, qui eorum Potestati suam Ecclesiæ creditur.* Canon hic à S. ISIDORO HISPALENSI desumptus est. Canon 21. Sic concipitur: *Res Humana altera tute non possunt, nisi que ad Divinam Confessionem pertinent, & Regia & Sacerdotalis defendat Autoritas.* Hic Canon est S. LEONIS ad PULCHERIAM AUGUSTAM. CONCILII TURONENSE III. anni 813. dicit in CAN. 22. laudato. *Quos oportet per Secularis Potentie Dictpinam tam prava consuetudine coerceri, qui per Salutifera Sacerdotum Monita noluerunt revocari.* JOANNES VIII. in 26. ait, *Administratores Secularium Dignitatum, qui ad Ecclesiârum tuitionem, Pupillorum, ac Viduarum protectionem constituti sunt, quoties ab Episcopis & Ecclesiasticis Viris conventi fuerint, eorum querimoniae attentiùs audient & secundum quod necessitas experterit, diligenter studio corrigant: quod si Dei timorem pre oculis non habentes, negligere post Secundam & Tertiâ admonitionem inventi fuerint, omni se noverint Communione usque ad condignam satisfactionem privatos.*

Illi sunt Textus, qui superioris allatibus videntur adversari: nam si Principibus Ecclesiæ tutio, protectione, cura, commissa est, oportet ut Leges ad hoc necessarias condere possint; itaque si Bona Ecclesia male administrantur, vel absque justâ causâ alienentur, si Viri Ecclesiastici pessimo agendi more Ecclesiæ exagitent, oportet, ut Principes possint præcipere quod tollendis his malis est idoneum; si autem illa mala tollere possunt, quidam etiam illis obviare possint? Hi Textus supponunt, Principes tuitionem Ecclesiæ nihilominus suscepisse, quam Orphanorum, Pupillorum, Viduarum, aliarum Personarum miserabilium, in quarum subsidium Leges condece possunt, tam ad propulsanda imminentia

nentia illis mala, quād ea, quād jam patiuntur. Si Principes rationem Deo sunt reddituri propter divisiones, aliasve Ecclesias perturbationes, quibus mederi neglexerunt, oportet, eos habere ius illis privedendi per Leges, quas efficaces fore arbitrabuntur.

Cum priorib[us] adversari videantur hi Textus, alio modo componi non posse videntur, & h[oc] oppositio tolli, quād dicendo, priores de Principibus Supremis non loqui, quibus Ecclesiam suam commendavit Christus, siquidem *Basilii* supremam Potestatem non habebat; vel si de illis Principibus agunt, eorum Definitio restringenda est ad causas, in quibus Principes conderent Leges, inconsultā Ecclesiā, circā negotia, in quibus eam audiri necessarium est.

Et h[oc] sunt quād aptiora duxerimus ad Conciliacionem Textum, de quibus agitur.

SECTIO VIII.

Uirūm possit conciliari Regula, Idem de similibus ferendum Judicium, cum Textibus, qui dicunt Odia esse restringenda?

Laudata Regula refertur ab INNOCENTIO III. in cap. 2. de Translat. velut Principium certum, quo probat, Canones, qui soli Pontifici adscribunt translationem Episcoporum Confessorum, habere locum in Episcopis Electis, maximè in Confirmatis; obseruatque vinculum, quo Episcopus Confessus Ecclesie suæ jungitur, non esse strictius eo, quod Episcopum Electum tantum eidem Ecclesiae connectit, inō idem possit dici vinculum. *Licit usque ad tempora ista Quod cautum fuerat de Episcopis, expressum non fuerat de Electis*, propter expressam tamen similitudinem, vel identitatem prorsus nemini poterat videri dubium subtiliter intuenti, cū idem Judicium de similibus sit habendum.

Regula h[oc] usurpat in reservatione translationis Episcoporum Electorum ad Pontificem ejusve Sedem, & videtur contraria Textibus, quibuscum h[oc] comparatur; h[oc] enim reservatio translationis Episcoporum ad Pontificem, videtur odiofa, cū non sit alterius conditionis, quād cetera reservations, illæ autem inter odia collacantur; quia per eas restringitur Potestas ordinaria, que favorabilis est.

Textus conferendi sunt 1. REG. XV. de R. J. in VI. Odia refringi convenient. 2. REG. XXX. ibid. In Obscuris minimum est secundum. 3. REG. XLIX. In p[ro]p[ri]e[n]t[er] benig[er] est interpretatio facienda. 4. Cap. 18. de Sent. Excom. in VI. quod dicit Irregularitatem admittendam non esse nisi in Casibus expressis. 5. Cap. 1. & 2. de Filiis Presb. in VI. quād docent restringendas esse dispensationes velut res odiosas. Idem est de omnibus Textibus qui docent, Privilegia in prejudicium alicuius concessa, restringenda esse ad causas expressos in Privilégio. Idem esse debet de omnibus Textibus, quibus probatum fuit in Tractatu de Censuris & Irregularitate, ratiocinationem à pari in neutrō Argumento admitti, & quod amplius est, nec ratiocinum à majori.

Illā repugnantia speciō saltem jam patefacta, ad eam tollendam supponendum est, Pontificem putavisse, Reservationem translationis ad Sedem Apostolicam, esse Prærogativam ipsi à Jure Communi tributam, eamque spectavisse ut genuinam consecutionem Primatū, qui à Jure Communi nascitur: h[oc] opiniōne imbutus iudicavit, eam reservationem esse cum favore accipiendo, itaque cum favores ampliari aequum sit, juxta Regulam favors convenient ampliari, oportuit in causa, de qua loquebatur, à casu espresso in jure, protendere ad casum non expressum, facultatem Sedi Apostolicā adscriptam; persuasum igitur habens Pontifex translationem Episcoporum Confessorum ad se pertinere, idque à Canonibus expressè definiri, conclusit, illam reservationem etiam Episcopos solum Electos comprehendere, quia in rebus favorabilibus idem

Tom. I.

de similibus ferendum judicium. Consequentia h[oc] non peccat, si vera sint illius Principia; sed aliud erit in sententia eorum, qui putant reservationem translationis Episcoporum ad Pontificem, à Jure merē Canonico profectam esse, eamque nondūm satis atate INNOCENTII III. fuisse roboratam; nam ex illā opinione sequitur, jus Episcopos transferendi pertinere ex Jure Communī ad Synodū Provincialem, vel ad Metropolitanos, qui illo usi sunt, X. aut XI. priorib[us] Ecclesie Sæculis, ut probat Thomasinus. Lib. 1. singularum trium Priorum Partium sui Operis DE DISCIPLINA.

Ex Privilegio per Canones Pontificibus concessō, nata est h[oc] reservatio & juxta hoc inter odia potest illa numerari, & proinde ratiocinum à pari circā eam potest non admitti, sed stare licet juri expresso. Nulla est igitur repugnantia, nisi juxta hanc sententiam Pontifici improbatam, qui secundū suam opinionem ratiocinum à pari usurpavit, in reservatione translationis Episcoporum in gratiam sue Sedis: prædicta ergo ejus accommodatio juxta ejus principia intelligenda est.

Purgari potest illa accommodatio, supponendo, illud Privilegium Juri fuisse infertum, atque ejusmodi Privilegia Juris Communis esse Partem, & propter hanc rationem cum favore esse accipienda, sicut ipsum Jus Commune: tale est Privilegium Carnem comedendi Die Natali Domini, licet Abstinentia Die contingat: fortè opportuniū dici potest, INNOCENTII III. tempore, Jure Communi solum Pontificem Episcopos transtulisse.

SECTO IX.

Multi Canones definiunt, standum esse Posterioribus, si hi cum Prioribus pugnant; *Unus occurrit*, qui dicit in illo casu standum esse antiquiori; *Quā viā conciliare potest hic cum ceteris?*

Hic postremus Canon est C. II. CAUS. XXXIII. QUEST. II. §. 1. desumptus ex Præfatione Libri de summo bono ad Episcopum Massonem inscripti, qui sic concipitur, *Quotiescumque in gestis Conciliorum discors sententia inventur, illius sententia magistrenatur cuius antiquior aut potior extat autoritas*. Si vetustior autoritas est præferenda, falsum ergo, novitios Canones esse anterioribus anteponendos.

Facilius intelligitur illa repugnantia speciosa saltem relatis Textibus posterioris generis, quos subjicio.

GRATIANUS DIST. XXIX. cap. 1. & 2. pro principio asserit, componendos esse Canones contrarios ex tempore, quo confetti sunt, & laudat duos Canones, qui hoc disertè docent. Unus est S. ISIDORI HISPALENSIS, alter S. GREGORII. Porro conciliatio ex tempore quæsita, fit potissimum dicendo, posteriorē vincere priorem, ut probant Textus expressi Cap. 1. de Cognitione Spirituali: ALEXANDER III. repertis Canonibus pugnabibus circa Quæstionem, utrum Cognitione Spiritualis complectatur Liberos post compaternitatem natos, aliis dicentibus, eos comprehendendi, aliis, non comprehendendi; definit, standum esse Posterioribus. *Licit primus Canon exinde editus natos post compaternitatem ad invicem copulari prohibeat*, alter tamen Canon Posterior editus primum corrigere, tūm relatā dispositione hujus Canonis concludit, *Unde nobis videtur, ut secundū Posteriorem observari debeat*.

Cap. 1. de Constit. in VI. disertiū loquitur in ipsa Argumenti sede, nam duo Constitutionum genera distinguntur, quarum alia continent Jus Commune, alia Jus Singulare & Speciale, v. g. Statuta quorundam Collegiorum, ac statuitur, quid ubi Summus Pontifex Constitutionem novam condit veteri

d 3

con-

contraria, ille primam per sequentem revocat, et si ejus mentionem non fecerit. *Licet Romanus Pontifex, qui Iura omnia in Scrinio pectoris sui censetur habere, Constitutionem condendo posteriorem, Priorum, quamvis de ipsa mentionem non faciat, revocare noscatur...* Quæ sequuntur spectant Jus singulare, cui se derogare negat Pontifex, nisi illud specialiter commemoret, & rationem hujus discriminis afferens, ait, *se hujus Juris singularis, cum sit Facti & in Facto constitut, esse probabiliter ignarum, quod de Jure communi dicitur nequit, quod ipse condidit & in Scrinio pectoris gestat.*

Adversus hos Textus objici non possunt C. 28. de *Rescript. & C. 3. de Capel. Monach.* qua præter oppositionem, requirunt etiam derogationem expressam Constitutioni anteriori; nam de Constitutionibus Posterioribus, qua Prioribus contrariae sunt, non agitur; verum de Gratia, qua obviant Concilii Generalibus, quibus tantam reverentiam exhibuere nonnulli Pontifices, ut testarentur, se nolle illis derogare, nisi per expressam mentionem: atque illi mos hodiè invaluit, ut probat specialis mentio, qua sit Conciliorum Generalium in Claustris Derogatoria Juri cuicunque contrario Gratia, qua conceduntur; quinimò aliquid specialius exigunt, circa Tridentinum, cui per hanc Claustrum Generalem derogari nolunt.

FAGNANUS in Cap. 28. & *GONZALES* in Cap. 3. laudatam Quæstionem discutiunt, an, ut Constitutionem contraria anteriorē emendet, necesse sit id expressè caveri? & concludunt, hanc cautionem non esse necessariam, sed sufficiere solam oppositionem. *FAGNANUS* ibid. n. 37. sibi objicit Textum allatum à S. ISIDORO acceptum, & respondet, illum esse intelligentiam non de autoritate, qua nascitur ex Vetusate, sed de eâ, qua oritur ex Dignitate, ita ut ejus sensus sit, in casu discordia inter Decreta duorum Conciliorum, præferenda esse Conciliorum Majorum Decreta. Si itatis Synodorum Minorum, nimis rū arbitratus est ille Autor haec verba, antiquior aut potior, hic esse Synonima, illa acerbit ex Can. 28. Dist. I. qui prolixior est Can. II. Caus. XXXIII. Quæst. II. Sed Paragraphus, qui ad rem facit similis est, excepto quod in hoc 28. Can. legitur, aut antiquior aut potior, abest autem prius aut, ab altero Canonone. Sed etiam si Autor Textus putavisset Decretum Concilii Vetusatis esse præferendum Decreto Concilii Recentioris, ejus opinio levioris esset momenti; nam Epistola S. Isidori ad Massonem procul dubio suppositissima est; nam laxamenta, qua approbat, Doctrina illius Autoris aduersantur; 2. nec nisi mediante IX. Sæculo prodire.

Itaque, vel abiciendus est hic Textus, vel ut autoritatis nullius, vel componendus cum ceteris, eum per illos exponendo, quod æquum est, quia Textus obscuri per Textus apertos sunt exponendi.

Quod diximus supra, Constitutionem Posteriorē Anteriorē derogare, quando ipso aduersantur, restringendum est ad Capita, in quibus illa sunt opposita; cetera vigere debent, ut disertè docet, C. 41. de Elec. in VI. restringendo C. 4. ibid. ad Appellationes Extrajudiciales, circa quas aliquid immunitavit in Jure antiquo in materia Electionum & definiendo Jus vetus subsistere circa ceteras Appellations. Ratio est, quia emendatio Juris odiola res est, & proinde locum non habet, nisi in Casibus expressis.

SECTIO X.

Conciliatio Textuum, qui significant Canones obligare statim, atque promulgati sunt; cum iis qui insinuant, aliquis temporis lapsum ad id requiri.

Quamvis *Observationes GRATIANI* non sint Textus Juris, multumque absit, ut illæ vim atque autoritatem eorum Textuum fortiantur; quædam tamen

hanc dignitatem adeptæ sunt per approbationem generalem: ex hoc numero videtur esse §. *Leges insituuntur Dist. IV. Leges insituuntur, cum promulgantur, Moribus autem utentium firmantur, qui intelligendus est de Legibus suscepit, saltem per silentium Partium, quas spectant, nam illæ, quæ rejiciuntur, ut minus congrue, Moribus utentium non sunt firmatae.*

C. 1. de Postul. supponit, Leges obligare statim atque solemniter promulgatae sunt, desumptum illud est ab INNOCENTIO III. qui reprobat postulationem Episcopi Altissiodorensis in Archiepiscopum Senensem, quia illa non servaverat interdictum, quod Regno erat illatum, quanvis solemniter promulgatum, *Cum Cardinalis idem Sententiam Interdicti praenitibus multis Archiepiscopis & Episcopis solemniter ac publicè promulgavit, & ad purgandam suam recusationem & obviandum excusationi Episcopi, dicentis, eam Sententiam sibi significatam non fuisse, adjicit INNOCENTIUS, quod nec sit necessarium, cum Constitutione solemniter editur aut publicè promulgatur, ipsius notitiam singulorum auribus per speciale Mandatum, vel Litteras inculcare, sed id solùm sufficit, ut ad ejus observationem teneatur, quod noverit eam solemniter editam ac publicè promulgatam.*

C. 13. de Panit. significat, Legem obligare statim, atque promulgata est, nam declarat pœnam sanctam in Medicos qui neglexerint monere ægros, ut Sacraenta suscipiant, incurri statim, atque Constitutione per Prælatos Locorum fuerit publicata.

Idem insinuat Clem. 2. de Heret. his verbis, *Statuimus nullis ex nomine, quæ indicant, Concilium Vienense voluisse solemnitatem suum effectum suum sortiri statim, atque solemniter promulgatum fuisse.*

Quoad Textus, qui insinuant, Legem non parere obligationem, nisi certo tempore, à die Promulgationis elapsio, duo occurunt in Tit. ne Clerici vel Monachi, tertius scilicet & ultimus; Primus à Concilio Turonensi desumptus est, an. 1163. qui excommunicat Monachos, qui sub specie utilitatis suorum Fratrum, aliorum ve, è Monasterio exēunt, ut Medicinam aut Mundanas Leges legant, nisi ad Claustrum suum intrâ duorum Mensis spatiū rederint.

Posterior est Honori III. qui illam Constitutionem extendit ad Archidiaconus, Plebanos, Decanos, Præpositos, Cantores, & alios Clericos Perlonatus habentes, nec non Presbyteros, nisi ab his intrâ spatiū prædictum desisterint.

Cap. 49. de Sent. Excom. excommunicat eos, qui de cetero servari fecerint Statuta edita, & Consuetudines introductas contrâ Ecclesiæ Libertatem, nisi ea de Capitularibus suis, intrâ duos Menses, post hujusmodi Publicationem Sententia fecerint amoviri. Hoc Caput est ejusdem Honori III. ad Episcopum Bononiensem.

Ad Conciliationem horum Textuum, Observandum est, 1. Quasdam actiones per Canones præcipi, quæ statim post Promulgationem fieri nequeunt, quales sunt illæ, de quibus agunt tres Posterioris generis Textus: nam qui è Monasterio exierant, ut Medicinam legerent, aut Mundanas Leges, aliquo tempore indigebant, ut redirent, atque res ad iter suum necessarias compararent. Idem cogitandum est de Beneficiariis, qui Locum sui Beneficii ex eadem causâ deseruerant. Idem dicendum de iis, quibus jubetur delere Statuta Libertati Ecclesiasticae contraria, illud fieri nequit præter deliberationem cum Collegio & ejus consensu, qua circumstantia tempus requirunt & tractationem aliquam.

2. Aliquando atrocitas pœna postulat negligentiam insignem, ne pœna sit gravior delicto, negligentia autem non fit insignis, nisi post aliquod tempus: hæc mens est CONCILII TRIDENTINI. Cap. 2. Sess. VII. quod certum tempus præfigit ad executionem Decreti lati in eos, qui tunc plura Beneficia incompatibilia possidebant.

3. Pro-

3. Promulgatio non fiebat in singulis Parochiis, sed tantum in Sede Legislatoris, Pontificis, Metropolitanus & Episcopi, vel in Loco Concilii; tuncque longo tempore indigebant Remotores à Loco promulgationis, ut ejus notitiam haberent. Hinc Pius IV. in Diploma: mensis Augus. an. 1564. dato ad declarandum, ex quo tempore Decreta Tridentina circa Disciplinam obligarent, declarat, illa obligare coepisse tribus ab eorum promulgatione Mensibus.

4. Idem Pontifex ibidem afferit in rationem sue Definitionis, quod ex Jure Communi Constitutiones novae non obligant, nisi post aliquod tempus, *Jure etiam Communi sancitum, ut Constitutiones novae vim, non nisi post certum tempus, obtineant.*

5. Juxta illud Jus CONCILII TRIDENTINUM C. I. SESS. XXIV. de Reform. Matrim. jubet, Decretum suum in Matrimonio Clandestino non habere vim, nisi post Mensem à Promulgatione in Parcicis facta; *Decernit insuper, ut hujusmodi Decretum in unquamque Parochiâ suum robur post triginta dies habere incipiat à die prima Publicationis in eadē facta.* Caput idem concedit illis, qui casu vetito erant implicati, Mensem, scilicet intrâ quem prohibitioni parerent.

6. Cap. I. De Concess. Præb. in VI. supponit, ac pro certo proponit, Legem non obligare, nisi, quando pervenit ad notitiam eorum, pro quibus condita est, vel post tempus ad hanc notitiam necessarium. *Lex seu Constitutione nullos astringit, nisi, postquam ad notitiam perverterit eorumdem, aut nisi post tempus, intrâ quod ignorare minimè debuissent.*

7. IOANNES XXII. Cap. I. de Preb. inter ejus Constitutiones, ad executionem sue Definitionis adversus pluralitatem Beneficiorum incompatibilium, per Dispensationem Sedis Apostolice imperatorum, atque possessorum, dat Mensem numerandum à tempore notitiae, quod de notitiâ præsumptâ intelligendum est, intrâ mensem à tempore notitia numerandum.

8. Quoniam inter laudatos Canones, alii unum, alii duos, nonnulli tres Menses concedunt, patet hinc, illius temporis Definitionem pendere à Legislatoris voluntate, juxta circumstantias Locorum, Temporum, & Personarum, ordinata: ex eadē voluntate pendet determinatio, utrum Lex statim post sufficiemt Promulgationem obtinebit, an intrâ certum tempus datum, ad faciendas Legislatori supplices admonitiones, atque impetrandum ejus consensum ad inobservacionem, ad ejusdem disseminandam inter omnes Subditos Legis notitiam.

Ex omnibus his Observationibus sequitur, inter Textus propositos tanquam pugnantes, nullam esse discordiam, sed diversitatem meram, quam induxit varietas Circumstantiarum, Locorum, & Temporum: ejusdem sunt conditionis illi Textus, cuius illi, de quibus loquitur C. 7. De iis, quæ sunt à Prelatis, Autoritates premisæ, licet diverse sint, non tamen aduersa.

Sequitur etiam, illud discrimen non versari circa Caput præcipuum, verum circa Circumstantias, quæ nihil ex eo mutant: Caput illud est, Legem non posse, nec debere vim habere, nisi postquam potuit, & debuit sufficienter innotescere; nam, ut supra ostendimus, Tit. 2. Ignorantia invincibilis Juris excusat ab observatione ejus Decretorum; illa autem proveire potest tam ex insufficienti Promulgatione, quam ex impedimentis, quæ Promulgationem notam fieri prohibuerunt.

Hic monendum duximus, esse Leges, quæ jubent, iterari promulgationem statim temporibus, eamque iterationem alium habere finem, quam primam, de quâ huncque egimus; hac enim fit, ut prima detur Legis notitia, ut possit obligare ac servari: iteratur autem Promulgatio, certis temporibus, ut Legis gravitas insinuerit per curam renovandi ejus memoriam, aut ad movendos ad eam servandam Subditos, vel ad faciendam monitionem generalem Censuram, alteriusve pœnae, quæ per eam sancitur: Prioris ge-

neris est Decretum CONCILII TRIDENTINI C. I. SESS. XXIV. de Reform. Matrim. Posterioris est C. I. de Locato Conduco, quod fert Excommunicationem in Transgressores C. 39. de Simon.

SECTO XI.

An Textus, qui dicunt in Legibus novitates esse pernicioſas, adverſentur iis, qui docent ſemper licere novas Leges condere,

Pontifex HONORIUS III. C. 9. de Consuetudine, certum eſſe significat, novitates in Legibus ſapè ſe-piùs discordiam parere, illudque inducere videtur ex eo, quod mediocris non fit autoritas uſus antiqui, Cum Consuetudinis, uſuſque longævi non fit leui autoritas & plerūmque discordiam pariant novitates.

BENEDICTUS II. C. I. de Privil. EXTRAVAG. COMMUN. illud adhibens principium aduersus Leges novas, illud corroborat per observationem prorsus congruam casibus, in quibus adverſantur uſui veteri, cuius æquitas probata eſt, & cuius mutationem non requiri utilitas maniſta, scilicet, amore rei, quæ diutiū viſa eſt iusta, difficilem facere communicationem Legis antiqua cum novâ, cuius utilitas non eſt maniſta. Plerūmque parunt novitates discordiam, praesertim cum ab eo, quod dñi aequum viſum fuit, per novam Constitutionem receditur, nec quare recedatur, evidens utilitas, vel alia cauſa ſubſt.

INNOCENTIUS I. longè anteā vituperaverat novitatem in Legibus, verum aliud de cauſa, ſcilicet propter contumeliam Ecclesiæ Superioris, cuius defertur uſus, ut illi preferatur mos per autoritatem Inferiorum introductus: illud significat Can. 11. DIST. XI. desumptus ex ejus Responsione ad Decentum Episcopum Eugenium, qui illum confulerat circa quoddam Uſus nonnullarum Ecclesiatarum, Ecclesiæ Romanae, à qua Religionem acceperant, Ritibus adverſos. Si qui à Romana Ecclesiæ Consuetudine errant, aut commoneas, aut nobis indicare non differas, ut ſcire valeamus, Qui ſint, qui aut novitates inducunt, aut alterius Ecclesiæ, quam Romana Ecclesiæ, existimant Consuetudinem eſſe seruandam.

His Textibus aduersari videntur. 1. Can. 2. DIST. VIII. in quo S. Augustinus obſervat, Jus Positivum à Jure Naturali in eo diſcrepare, quod hoc non ſubjacet novitati, illud verò illi ſit obnoxium, non ſolum ex parte Dei, qui Leges Humanis Moribus adverſas condere potest, verum etiam ex parte Principum, qui illiſſis Societatis Regulis poſſunt præcipere, quod neque ipſi, neque eorum Deceſſores præcepere, illiſſis obtemperandum eſſe, ne peccetur in generale Societatis pactum Regibus obſequendi. Si enim Regi licet in Civitate, cui regnat, aliquid jubere, quod neque ante illum quicquam, nec ipſe, unquam iuſſerat, & non contraria Societatem obtemperatur, ino contra Societatem non obtemperatur; generale quicquam pactum eſſe Societatis obſerve Legibus. Licet igitur Principi Leges novas condere, tenenturque ejus Subditi illis, non obſeruantur novitatem, obſequi.

Idem videntur de Can. 6. CAU. XXV. QUÆST. I. in quo URBANUS II. cū retulisset, Quodam dicere, ſemper licuisse Pontifici Leges novas condere, eorumque ſententiam approbasſet, duos casus excipit, Scriptura Sacra ſcilicet, & Definitionum Conciliorum Generalium, à quibus divertere non potest Pontifex, quin cadat in errorem; Per hanc exceptionem significat in quocumque alio Argumento, poſſe juſteri aliud, quam præceptum fuerat, prohiberi, quod erat licitum, permitti, quod erat vetitum.

Quod de Principe dictum eſt, ac de Pontifice, dici debet de omni Prælato, cū ſeculari, tunc Ecclesiastico, qui Constitutiones condere potest. Poſſunt illi novas condere Leges, ſive circa illam rem jam facta fuſſent quodam, ſive nullæ; in utrāque

que circumstantia Leges novæ turbas & discordias parere possunt; Quæ adversantur Legibus antiquis circa eamdem rem, hunc effectum parere possunt, per obligationem, quam imponunt vincendi moris Legum Veterum: Quæ sunt in materia novâ, & Legibus experte, idem procurabunt, tollendo veterem libertatem.

Quomodo igitur componi possunt Textus, qui docent, in Legibus non esse innovandum, atque à novitate avocant per metum inducendas discordias, cum illis, qui docent, licitum esse, ac semper fuiss, novas Leges condere, tam in rebus, quæ Legibus carebant, quam in eis, quæ in Legibus erant ordinatae; cum uterque casus sit Divisionibus obnoxius?

Huius apparenti discordiae Respondemus, Leges novas non ritè fieri, nisi cum urgens Ecclesiæ vel Reipublicæ necessitas, aut utilitas evidens eas requirunt: atque in illis circumstantiis majoris Boni cupido minus negligere cogit; Bonum commune vincit omne privatum Bonum, & facile subitur periculum minoris Mali ad vitandum majus: Equidem fit aliqua vis, dum à Jure Veteri, quod Consuetudo jucundum fecerat, & à Libertate, quâ fruebamur antea, avellimur: nulla sunt igitur in his casibus discordiae causa, utilitas Legis illi subsequium parit; Vice versa, si Lex in Legislatoris comodum vergat, si ille sui solius utilitatem querat, si aliis jugum grave imponat ad suum lucrum, Subditi vix parent, seipsoisque macerare debent ad vincendam suam repugnantiam, indè nascitur dissidium ex oppositione studiorum; Subditi bonum suum querunt in publicâ utilitate inclusum, Præpositi suum aucupant à communi longè alienum.

Confirmari potest ex Cap. 8. de Consang. quod dictum est ad conciliationem allatorum Textuum; desumptum est illud à LATERANENSI IV. Docet Praefatio, occurre casus, in quibus mutatio Legum necessaria est, atque ejus generis esse 1. Cùm cessat causa, quæ primas Leges induxerat: 2. Cùm id postular urgens Reipublicæ necessitas. 3. Cùm id suadet atque inducit evidens utilitas: Non debet reprehensibile judicari, si secundum varietatem Temporum Statuta quando varientur Humana, præsertim, cùm urgens necessitas, vel evidens utilitas idem exposcent. Jam dixerat S. ISidorus, Legem Tempori congruere debere. C. 2. DIST. IV. Loco, Temporique conveniens, quod eò magis est necessarium, quòd experientia docet res, certo tempore utiles, in alio tempore perniciose evadere: id fuisius demonstratum est hujus Textus occasione in Traditione circa Sacramentum Matrimonii: indè fit, ut Concilium, postquam probavit mutationem, quæ fit in Legibus Humanis, per exemplum mutationis, quam fecit Deus in Legibus Veteris Testamenti, & dixit, quædam genera Affinitatum afferre implications, & perniciem Animabus, illa abrogat ex principio, quod cessante causâ, scilicet utilitate, cessare debet effectus; nimis vinculum Legis. Hinc observare juvat, distingui posse in Legibus duplex utilitatis genus, nempe eam, quæ communis est omnibus Legibus, de quâ mox egimus, & illam, quæ unicuique Legi peculiaris est, ejusque finis & causa proxima: tale est in Lege Matrimonia propter Cognitionem irritante, commodum dilatanda Caritatis cogendo Cognatos, qui satis invicem familiares existimabantur, ad jungendas Affinitates cum aliis, quibuscum nullam speciem necessitudinem habebant: sed, cùm amor inter Cognatos remotiores refrixit, æquum fuit illis permettere invicem conjugari, ad renovandam necessitudinem penè extinctam: Studiis imminutis, neglecta fuerat conservatio probationum Affinitatum ejusmodi, undè contingebat, ut plures inter se Matrimonium inirent in gradu vetito, quod plura incommoda pariebat, sive erga Temporalia, sive erga Spiritualia; nam post

diutinam Consuetudinem & multorum Liberorum susceptionem, Cognitionis probationes reperiabantur, qua inserviebant, ad faciendum dissidium, & explendas novas cupiditates. Nonnulli, licet eis innotueret aliquod impedimentum, cohabitare perseverabant ut Vir & Uxor, atque in criminis vitam sapè usque ad mortem ducebant: indè urgens necessitas atque evidens utilitas abrogandi gradus remotos Consanguinitatis, & genera Affinitatis parum placita.

Non difficile foret colligere magnum numerum Canonum, qui vetant aliquid immutare in Legibus, præter necessitatem vel utilitatem Ecclesiæ. Tales sunt præcipue qui dispensationes prohibent, his casibus exceptis, qui referuntur in Tractatu de Dispensationibus, inferto Tractatu de Jurisdictione Ecclesiastica. Plures etiam ejus generis occurunt. CAUS. VII. QUES. I.

Ex omnibus Textibus prioris generis, nullus est, qui absolutè dicat, Novitates in Legibus esse perniciose; insigniores insinuant tantum, id sibi accidere; itaque supponunt illi, quodam esse casus condendis novis Legibus opportunos, alias damnassent omnes Leges Positivas singularium Provinciarum circa singula Argumenta, & proindè omnes Constitutiones novarum Censurarum, novarum Irregularitatum, novorum Impedimentorum Matrimonii, novarum Solemnitatum in Judicis, novorum Generum Appellationis, quoniam abrogatio Legum per Consuetudinem novum Jus introducit, illud scilicet, quod antè illas Leges observabatur; Quot sunt Textus, qui hanc abrogationem approbant, si ritè fiat, tot suppetunt Argumenta, Canones non improbare novitatem, quoties illa est necessaria.

SECTIO XII.

VARI MODI COMPOSENDI I. Textus qui unicum Casum excipiunt à Regulâ dicente, Legem futuris providere, cum Textibus, qui plures casus excipiunt. 2. Textus, qui puniunt actiones nondum vetitas, cum Textibus, qui illam punitionem videntur damnare.

Hæ duæ Oppositionum species hic junguntur, quia sunt connexæ in iisdem Textibus, ut demonstrabitur, postquam illi relati erunt.

Plures Textus ab illâ Regulâ excipiunt casum unicum, quo Lex expresse præteritum complectitur in suâ Dispositione: Tales sunt Cap. 2. & 13. de Constitut. Prius à S. GREGORIO, Posterior à GREGORIO IX. desumptum est: utrumque refert Regulam, Posterior Exceptionem commemorat. Cùm statuisset S. GREGORIUS, ut si Judæi Servos Christianos emissent, ternerent illos Christianis vendere intrâ Quadraginta dies, declarat ille suam Constitutionem non comprehendere Judæos, qui tales ab anno habebant Servos, itaque illi non eos amiserant propter neglegtam eorum venditionem intrâ Quadraginta dies, sed eis licebat eos alienare, quia Lex futuris tantum providet, præcipue circa poenam, cùm iniunquam sit punire Innocentes. Quoties novum quid statuit, ita solet futuris formam imponere, ut dispensationis præterita non commendet, ne detrimentum antè prohibitionem possint Ignorantes incurrire, quod eos postmodum dignum est vetitos sustinere. Afferimus hunc Textum, quoniam Primus est in Jure Canonico, qui Regulam propositam continet, præterea ille confirmat quod diximus suprà, Ignorantiam invincibilem Legis excusare, & Legem non adstringere, nisi ubi potuit & debuit sciri. V. Partem refutam ad expositionem Constitutionis.

GREGORIUS IX. in Posteriore Textu, exponens Constitutionem, quam fecerat circa Præfessionem Clericorum in Sacris constitutorum super Minores Clericos, quamvis hi antè illos fuissent recepti (quæ refertur

refertur C. 15. de Majorit. & Obed.) declarat, illam non comprehendere eos, qui ante suam Constitutionem fuerant recepti, & rationem afferat, quod Lex futuri provideat, non præteritis, nisi de eis nominatis caveat; suam autem Constitutionem non complecti præterita in sua Dispositione. Hic ultima verba referemus, qua nos attinent. *Cum Leges & Constitutiones futuri certum sit dare formam negotii, non ad præterita facta trahi, nisi nominatum in eis de præteritis caveatur.*

Adjicere possumus Textui GREGORII IX. omnes Textus, qui in suis Definitionibus, de præteritis nominatis carent; nam hæc cautio inutilis fuisset, si præterita in Legibus novis fuissent comprehensa: facta est autem ad aperiendam voluntatem Legislatoris provi- dendi tam præteritis, quam futuris.

Continent illi Textus executionem Regulæ, & pro- bant, illam tunc viguisse, cum factæ sunt illæ Definitiones: Multi ejusmodi occurrunt in Corpore Juris, quorum insigniores afferemus. Vetus est in eo genere C. 2 Dist. X. Quæst. I. defunctus è Concilio Toletano IIII. an. 589. qui emendat pravam Con- fuetudinem reservandi Patrono administrationem do- tis, quam conferebat illi Ecclesiæ, quam adificabat, & consacrari curaverat, adversus Constitutionem An- tiquam, qua Episcopi ordinationi omnia permitte- bat, & jubet, præterita emendar, nec non in fu- turum prohiberi. *Quod factum taliter in præterito corrigitur, ut & in futuro, ne fiat, prohibetur, sed omnia secundum Constitutionem Antiquam ad Episcopi ordinationem & potestatem pertineant.*

S. GREGORIUS biennio post, scilicet ann. 591. Constitutionem condidit ad emendandum Statutum PELAGII II. Decessoris sui, quo ille Continentalis Subdiaconos jam Conjugatos subjecerat, quamvis illa non esset usitata in illis Regionibus, tunc cum Uxores duxerant, aut Subdiaconatum accepérant, quod cum asperius vñsum esset S. GREGORIO, jubet, ut in posterum omnes Episcopi hunc Ordinem nemini con- ferant, nisi iis, qui Castritatem promitterent: quoad eos vero, qui hunc Ordinem accepérant absque hæc promis- sione, ipsi usum Matrimonii atque Ordinis exercitium, permittit, vetans duntaxat, ne ad Superiores Ordines pro noveantur: cuius cautibñs ratione ejus Constitutio præteritis providet non secùs ac futuris, illis, qui ordinati erant, usum Matrimonii, nisi vellent ab eo abstinerre, refutantes, & illos excludens ab Ordinibus Superioribus, quoad cæteros, aliquem sine Voto Castritatis ordinare prohibens.

HONORIUS III. C. 5. lité pendente, accommodat Privilegiis, que sunt Leges speciales, Regulam, de quā agitur, definiens, Privilegium lité pendente im- petratum, non derogare Juribus existentibus tempo- re controversia, nisi de litis pendentia mentionem faciat: agebatur de Indulto super perceptione Deci- marum, qua disceptabantur, definitum fuit, hanc indulgentiam non obstat, quominus in negotio pro- cederetur, cuius mentio facta non fuerit.

GREGORIUS IX. Cap. 9. de Consecr. suam Definitionem fingens ad normam Regulae, quam probavit su- præ, vetat, Episcopos committere Sacerdotibus reconciliacionem Ecclesiarum pollutarum; quod tamen haec tenus factum est per eosdem, misericorditer tolerat. Simile videre est in C. 4. de Consecr. circa Confirmationis collationem à Presbyteris Græcis.

Juxta eamdem Regulam cum BONIFACIUS VIII. in sua Constitutione adversus pluralitatem Beneficiorum Regularium, comprehendere vellet eos, qui in eo casu erant, eosque poenam subiiceret, voluntatem suam disertè declarat, jubens, ut intrâ Mensem alterutrum eligant, alioquin primo erunt ipso jure privati. C. 32. de Præb. in VI.

CLEMENS V. C. 2. de Estate &c. eidem Regula ob- sequitur; nam volens subiiceret sua Constitutioni Ca- nonicos jam factos, perinde atque eos, qui fient in posterum: utrumque genus nominatum commemo-

rat his verbis, sunt mancipati, vel mancipabuntur in posterum, & his obtinent vel obtinuerint in futurum. Item Pontifex Cap. Unic. de Probat. Suam Definitio- nem extendit in præteritum & præsens, aut erga pen- dentes lites.

Alii Textus, qui Argumento nostro etiam sunt af- fines, sunt Cap. 7. de Elef. quod astringit ad Promotionem ad Ordines quosdam Beneficiarios, & eos no- minat comprehendit, qui talia Beneficia possidebant.

Cap. 31. de Rescript. quod rescindit Rescripta sive imperata, sive impetranda, in quibus imperatorum jam Recriptorum facta non fuerit mentio.

Cap. ult. de Filiis Presbyter. in quo GREGORIUS IX. jubet, deponi Spirios, qui possidebant absque Dispensatione Sedis Apostolicae, Dignitates, aut Personatus, alia-ve Beneficia Curata, & ne id de cætero præsumatur, discribitur prohibet.

Cap. 1. de Consuetud. in VI. reprobans Consuetudinem obtinendi plura Beneficia incompatibilia absque Dispensatione Sedis Apostolicae, prohibet eos, qui ejusmodi Beneficia possident, ea sic tenere in poste- rum, & cæteros, illa eodem modo acquirere.

Cap. 2. Dist. LXXXII. suppeditat exemplum ejus- dem generis. INNOCENTIUS I. Constitutionem condens circa absolutam Diaconorum Continentiam, præteritis providet ac futuris: mitiùs tamen statuens circa eos, qui Matrimonio usi erant antea contracto, quam circa eos, qui in futurum uterentur.

Atque illi sunt principi Textus, qui vel nominati, vel suo exemplo docent, Legem futuris dun- taxat providere, nisi de præteritis in ea nominatum caveatur.

Nonnullos eorum subjicio, qui præteritis accom- modant Leges de præterito tacentes, saltem qui, ut tales, laudantur, & Textibus prioris generis in eo oppositi videntur.

Tale est 1. Cap. 5. de Usuris, quod usuris ante Lateranense III. perceptis accommodat Canonem illius contrâ Usurarios manifestos, quo excluduntur à Communione Altaris, ab Oblationibus, quæ fiunt ad Altare, vel alibi, & ab Ecclesiastica Sepulturâ, si moriantur in suo peccato, & extendit ad Usurarios Concilii anteriores poenæ sanctas, licet eorum mentionem in suo Canone non fecerit Concilium. Hic Textus est ALEXANDRI III. qui hoc Concilium cele- bravit: oportet igitur, eum putavisce Legem formam dare præteritis, de quibus tacet, aut saltem esse quosdam casus, in quibus cautio de præteritis non est necessaria.

2. Idem est de Can. 40. de Simon. in quo Concilium Lateranense IV. providens, ut Monasteria Mulierum nihil exigant ab eis, quas admittunt, duplex poenarum genus sancti, non solùm in futuram receptionem venalem, sed etiam in jam factas ejusmodi recepciones: Aliæ sunt Communes, scilicet nullitas receptionis; Aliæ Speciales unicuique delicto: præteri- tum coërcetur per translationem in aliud Monasterium ejusdem Ordinis, & posito quod hæc poena non queat executioni mandari, per mutationem priorum locorum, & assignationem inferiorum; futurum verò per expulsonem tam Recipientis quam Receptæ, sive sit Subdita, sive Prælata, & detruktionem in lo- cum æcclorius Regulae ad agendum perpetuam poenitentiam. Porro nullus erat Canon, qui tales fauxis- set poenæ in Moniales Simoniacas: oportet proindè, ut Concilium huc casui accommodaverit aliquam Legem, qua de eo non cavebat nominatum, vel poenam novam proposuerit in delictum jam admisum, quamvis poena Legibus annexæ sint, ut absterrent Subditos à factis prohibitis.

Alii Textus, sive Leges, qua actiones vel omissiones nondum veritas coërcent, aut coërcere videntur, collectæ sunt inter Textus prioris generis. Tales sunt ii, qui suam Dispositionem ad præteritum extendentes, extendunt etiam poenæ, qua sunt eorum pars major.

Ex Collatione Textuum collectorum occurrit.

Tertia

Tertia Opposito speciosa, de quā locuti non sumus in Inscriptione Tituli, scilicet, *Primus Textus refert*

Regulam absque ulla exceptionis mentione, Ceteri verò aliquam exceptionem continent; Sed evanescit hec oppositio, dum attendimus, exceptionem Regulæ non esse semper annexam, sibi etiam fit, ut illa non detegatur, nisi per collectionem Textuum, qui Regulam referunt, vel usurpant. Si exigeret oppositio ex omissione facta in quibusdam Textibus, & mentione illius rei in aliis Textibus, opposita forent Quatuor Evangelia, quorum aliud refert circumstanias, atque etiam gesta in ceteris omisita. INNOCENTIUS III. quedam exempla colligit. C. 3. de Baptismo.

Quoad oppositiones in Titulo expressas, illæ tolli nequeant, nisi quibusdam observationibus præmissis.

1. Leges Canonicae nonnunquam fuent ad Executionem Legis Divinæ, Legiive Naturalis, vel aliarum Legum merè Canonicarum, qua accuratè non observantur: in utrâque Legum specie Leges posteriores possunt accomodare Leges anteriores casibus, qui nominatim cauti in his non fuerint; quoniam illi casus includebantur in casibus nominatis, velut species, in suo genere; consecutiones, in suo principio; effectus, in suâ causâ.

2. Sæpius accipitur pro pœna, Quod non est vera pena: ejusmodi sunt Restitutio, Exclusio ab Ordinibus Superioribus, vel à quibusdam Commodis; nam Restitutio, est reparatio vel satisfactio debita, tam ab Junocente, quam à Nocente: Exclusio ab Ordinibus nascitur ex defectibus, non secùs atque ex delictis; sicut exclusio à quibusdam Commodis, qualis est exclusio suffragii in Capitulo, cui subjicit attingens defectus.

3. Leges verè pœnales, quæ ad præterita extenduntur, non cadunt nisi in Facta criminosa, vel omissiones futuras actionum præceptorum; cætera Leges, quæ ad præterita extenduntur, quasdam actiones aut status aut conditions Personarum respiciunt prorsus indifferentes.

Textus laudati de Simonia agentes, vel Usurâ, cadunt in actiones in seipsis Lege Divinâ veritas. Cap. 5. de Usur. quod accommodat usuris ante Concilium Lateranense III. perceptis, Definitionem illius Concilii relataam Cap. 3. ejusdem Tituli; non adhibet personas à Concilio sanctas, sed meram præcipit restitucionem Usurarum antea perceptarum, qua quidem restitutio Juris est Naturalis, cui obtemperat Cap. 5. sicut ipsum Concilium fecerat; Cæteræ pœnae non proponuntur, nisi in Reos, qui restituere recusant, atque ob hanc contumaciam graviori coercitione sunt digni.

C. 40. de Simon. quod rescindit admissionem simoniacam ad Professionem Religiosam, usurpat pœnam generalem à Canonibus in actus simoniacos constitutam, scilicet nullitatem; undè præcipit, ut si Moniales simoniace admisæ, nequeant in alia ejusdem Ordinis Monasteria transferri, dispensative in eodem Monasterio maneat in ultimo loco. Quoad translationem in aliud Monasterium, Monialibus applicatur Definitio Cap. 18. de Simon. ab ALEXANDRO III. desumpti, in Monachum simoniace admisum.

Clement. 2. de Estate, qua suffragii jus in Capitulo adimit Canonicos tam Regularibus, quam Secularibus, qui Sacris Ordinibus non sunt initiati, nominatim comprehendens Canonicos jam receptos, in eo interpretatur Canones, qui jubent eos, qui Ministerio Sacro per Clericatum se addicunt, se in suo Statu utiles exhibere, quod fieri nequit sine Ordinum Sacrorum susceptione.

Si Cap. 31. de Rescriptis rescindit Rescripta Gratiam impetrata, fine mentione Rescriptorum anteriorum ejusdem generis, perinde atque ea, quæ in futurum impetrabuntur cum eadem omissione, id fit, quia Cap. 20. ejusdem Tituli jam irrita declaraverat, vel fecerat Rescripta, quæ impetrarentur tacitis iis,

quæ Pontificem à concessione petitæ Gratiae avertere potuissent.

Cap. 7. de Eleçt. §. 2. executioni mandat Canones, qui jam quosdam Ordines quibusdam Beneficiis assignaverant, atque idè suam dispositionem extendit ad eos, qui illa jam possidebant.

C. 32. de Præb. in VI. Beneficiis Regularibus accommodat Decretum CONCILII LATERANENSIS IV. C. 28. de Præb. relatum, in pluralitatem Beneficiorum incompatibilium.

C. ult. de Filiis Presbyt. quod Illegitimis adimit Dignitates & Personatus, quos absque dispensatione Sedis Apostolicae possidebant, id statutum consequenter ad Canones, qui eos Beneficiorem incapaces declarabant, & maximè Prælaturarum, inter quas numerabantur Dignitates, Personatus, aliave Beneficia, quibus annexa erat Jurisdicçio aut Præeminentia, & consequenter ad nonnullos Canones, qui Pontifici reservare videntur dispensationem Legum Ecclesiæ Universalis.

Idem sit Judicium de Cap. 1. de Consuetud. in VI. quod astringit eos, qui plura Beneficia incompatibilia possidebant absque dispensatione Sedis Apostolicae, ad unum eligendum intrâ præfixum tempus, non obstante quâcumque Consuetudine adversâ, quam corruptelam esse dicit: illud innititur Cap. 28. de Præb. quod Pontifici reservat ejusmodi dispensationem.

Suprà observavimus Textus, qui suam dispositiōnem ad præterita extendunt, ex eo docere, Legem præteritis non providere, nisi de iis in illâ nominatim caveatur: Occurrit difficultas, scilicet, cum Cap. 9. de Consecr. Eccles. vetuisset, committi reconciliacionem Ecclesiarum pollutarum simplici Sacerdoti, se præterita tolerare dicit; Quoniam, inquiet aliquis, indè male concluderetur, Legem ad præterita extendi, nisi moneat Legislator, se præteritis parcere: ita concludi non debet, quòd, cum Legislator in suâ Lege præterita complectitur, ille per hanc cautionem significavit, Legem præteritis formam non dare, nisi nominatim iis provideat. Sed facile tollitur illa difficultas, postquam vidimus Textus, qui pro Principio statuant, Leges præteritis formam non dare, nisi nominatim de iis caveatur; nam indè sequitur, Canones, qui cautioes ejusmodi continent, id fecisse, ut obsequerentur Regulæ, sive Principio observato; Qui verò se præterita tolerare dicunt, id fecerunt ad tollendum omne dubium; hac autem Responsio eo magis Textui opposito congruit, quid usurpaverat Pontifex rationem, undè confici posset, reconciliaciones à simplici Sacerdote factas, nullas fuisse, scilicet, quia res ad potestate Ordinis pertinentes non possunt committi iis, qui Ordinem requisitum non habent: monere ergò debet Pontifex, se præterita tolerare, ne concluderetur, reconciliaciones à simplicibus Sacerdotibus factas, irritas esse, ac proinde ab Episcopis iterandas.

S E C T I O X I I I .

Quomodo conciliari debent Textus, qui vetant autoritatem præstare rebus, quas permittunt; cum iis, qui absolute permittunt.

Omnis Textus, qui abrogant aliquam Legem Præceptivam, aut Prohibitivam, ex eis sunt, qui absolute permittunt. ALEXANDER III. C. 1. de Cognat. Spirit. commemorat Canonem, qui permittit Matrimonium inter Filios Compatrum, antè vel post Compaternitatem natos, alios quam ea persona, per quam ad Compaternitatem venitur, quod Canon anterior vetuerat. Can. 8. de Consang. plures Nuptiarum species antea veritas probat. Idem facit CONCILIUM TRIDENTINUM Cap. 2. 3. 4. Sess. XXIV. de Reformat. Matrimonii. Quod dicitur de Canonibus, extenditur ad Confuetudines, quæ abrogant præcepta vel prohibitions; nam sublatâ obligatione

tione à Canonibus imposita, licet omittere actionem praeceptam, licet facere vetitam; Idem est de Textibus, qui nominatim concedunt dispensationem quarumdam Legum in certis circumstantiis. C. 18. de Præb. C. 1. de Confuetud. in VI. C. 1. de Fil. Presbyt. ibid. C. ult. de Fil. Presbyter. apud GREGORIUM IX. C. 5. SESS. XXIV. de Reform. Matrimon. Can. 4. DIST. III. etiam loquitur de permissione absoluta, dicens, omnem Legem aut permittere, aut jubere, aut prohibere; & afferens in exemplum Legis permissiva; *Vir fortis primum petat, quod prudenter ad omnem, qui premio dignus est.*

Inter Textus Posterioris generis, collocari possunt omnes, qui jubent quædam dissimulari, quorum Multi collecti sunt, ubi de tacitis Dispensationibus actum est, & in Regulis circa Dispensationes; tale est Cap. 6. de Consanguin. quod loquitur de Matrimonio inter Cognatos confirmato per Dispensationem Pontificiam ex falsa expositione impetrata; sed omnibus insignis est Cap. 3. de Cognat. Spirit. ALEXANDER III. scribens ad Episcopum Vigiliensem de Matrimonii contractis inter Filios Compatrium, antè vel post Compaternitatem, dicit, ea ab eo dissimulari posse, si Confuetudo Provinciae hujusmodi Matrimonia permittat, ita ut nec eis contradicat, nec assentum præbeat. *Verum, si de Confuetudine habetur, ut talia conjuga sustineantur & permittantur, tu in eadem Ecclesiâ dissimulare poteris, ita ut nec contradicere, nec tuum praestare videaris assensum, quia sicut grave est, Antiquam Confuetudinem circumadjacentium Ecclesiarum super his contempnere, sic quoque gravius videtur, si propterea hujusmodi conjugis tuum indulges assensum, cum possit in exemplum assimi.*

Oppositio hujus Textus cum superioribus, eò insinuatur est, quod idem PONTIFEX C. 1. de Cogn. Spirit. nominatim approbat ejusmodi Matrimonia; hic vero ea velut rem merè tolerabilem intuetur. Sed cum probabile non sit, Pontificem secum pugnare, credibile est in Cap. 3. agi de Matrimonii Filiorum post Compaternitatem natorum cum iis, per quos ad Compaternitatem ventum fuerat, vel Jus Comune Anglia fuisse, ut rescinderentur Matrimonia Filiorum natorum antè, vel post Compaternitatem, quo in casu Matrimonia ejusmodi dumtaxat tolerat Pontifex; sed quoquomodo accipiat hæc oppositio, & nostra solatio, constat, hoc C. 3. & C. 6. de Consang. adversari Textibus Prioris generis, qui absolute permittunt, hi verò ita permittunt, ut vetent, Prælatum suum præbere assensum. His Textibus adjici potest Can. 9. CAUS. XXI. QUEST. I. desumptus ex Operе Imperfecto in MATTHÆUM S. CHRYSOSTOMO adscripto, qui fert, aliud esse præcipere, aliud permittere; *Quod enim præcipimus, semper placet; quod autem permittimus, nolentes permittimus;* indè enim intelligitur ratio, propter quam prolibetur assentiri quibusdam actionibus permisis Prælatus, atque hæc ratio viam ad Conciliationem sternit, scilicet dissimulandas esse actiones malas, quæ emendari nequeunt sine magno Scandalio, nec eis contradicendum esse, neque consentiendum. Autor hujus ultimi Textus de Secundis Nuptiis loquitur, quas improbabat, atque honestam fornicationem nuncupabat, quæ licenter committitur: itaque permisso, de quæ loquitur, ea est, quæ vocatur tolerantia, quæ locum habet, cum sustinetur Malum minus, ad vitandum majus, quod in duobus casibus evenire potest: Primus, est casus infractionis Legis, de quæ Superior dispensare nequit, tuncque tolerantia non excusat à peccato: Secundus, est casus infractionis Legis, de quæ Superior potest dispensare, & tunc tolerantia excusat à peccato, si dispensare dignetur Prælatus. De hæc postremā tolerantia intelligentia sunt Cap. 3. de Cognat. Spirit. & Cap. 6. de Consang. &c.

TITULUS VIII.

De Legibus sive Constitutionibus Ecclesiasticis.

I. **C**anones Patrum, vim Legum habere oportet. *De Juramento Calumniæ Cap. Inherentes. §. ejus itaque Lib. II. DECR. TIT. VII. C. 1.*

II. Quæ ad perpetuam utilitatem, generaliter instituta sunt, nullæ mutatione variantur: nec ad Privatum trahantur Communum, qua ad Bonum Communem sunt præfixa: nemo injustè usurpet alienum, sed intrà fines proprios, in latitudine se exerceat Caritatis.

III. Pagani sive Infideles Constitutionibus Canonis non arctantur: Quid enim ad nos, secundum Apostolum, de his, qui foris sunt, judicare? *De Divortiis. Cap. Gaudemus. §. 1. init. LIB. IV. DECR. TIT. X. Cap. 8.*

IV. Non dignum est, ut Vir, qui scienter contrà Canones venerit, lucrum de suo dolo reportet. *De eo, qui duxit Cap. Propositum est. §. 1. med. LIB. IV. DECR. TIT. VII. Cap. 1. DIST. L. Cap. 58. si ille. fin.*

V. Regulæ Sanctorum Patrum pro Tempore, Loco, & Personâ, & Negotio, instante necessitate, traditæ sunt. *DIST. XXXIX. Cap. 2.*

VI. Institutionis Apostolica Decreta perpetuâ stabilitate, & sine aliquâ refragatione servari debent, nec à quoquam Pontificum in totum vel in partem ea quilibet occasione convelli debent vel mutari. *CAUS. XXV. QUEST. II. Cap. 7. Institutionis. init.*

VII. Ea, quæ sunt ab Apostolis, eorumque Successoribus instituta, nullâ desidiâ negligantur, nullâ diffensione violentur, nullâ contestatione turbentur. *ibid. Cap. 11. Amputatio §. Sed neque. LIB. DECR. TIT. VII. Cap. 2.*

VIII. Uniuscujusque Synodi Constitutum, quod Universalis Ecclesia probavit assensus, nullam magis excepti Sedem præ ceteris oportet, quam Primam. *CAUSA XXV. QUEST. I. Cap. 1. Confidimus.*

IX. Qui contra Formam Canonum venire præsumperint, Canonice sunt puniendi. *De Censib. Cap. Gravis. fin. LIB. III. DECR. TIT. XXXIX. Cap. 15.*

X. Quod non est Sanctorum Patrum Decreto sanctum, superstitionis non est adinventionibus præsumendum. *De Translatione Episcopi Cap. Inter Corporalia. CAUS. II. QUEST. V. Cap. 20. Consulisti. med.*

XI. Prisca pro suâ reverentiâ manere debent Constituta, quæ ubi nulla, vel Rerum, vel Temporum, perget angustia, regulariter convenit custodiri. *DIST. IV. Cap. 1. Prisca.*

XII. Illa, quæ non scripta, sed tradita custodimus, quæ toto Terrarum Orbe observantur, datur intelligi, vel ab ipsis Apostolis, vel Plenariis Conciliis, quorum est in Ecclesiâ saluberrima authoritas, commendata atque statuta retineri. *DIST. II. Cap. 12. Illa.*

XIII. Ne in aliquo Apostolica & Canonica Decreta violentur. *DIST. LXI. Cap. 8. Statuimus. init.*

XIV. Antiquitatē Decreta Patrum sanxerunt reverentiam exhibandam, & evidenter afferunt Sacrorum Canonum Sanctiones. *De Translatione Episcopi Cap. Quartu LIB. I. DECR. TIT. VII. Cap. 3.*

XV. Ubi Canones contraria inveniuntur, secundum posteriorem Canonem debet observari. *De Cognitione Spirituali Cap. Utrum. fin. LIB. IV. DECR. TIT. XI. Cap. 1. Vide CONCIL. TOLET. III. an. 589. Cap. 1. Tom. V. CONCIL. 1000. ubi antiquiores Canones preferri videntur posterioribus. Sed de hoc, dūm de Conciliatione Canorum disceptabitur.*

XVI. Quatuor Principalia Concilia sunt, quæ sicut Quatuor Evangelia Ecclesia Catholica venerantur. *De Renunciatione Cap. Post translationem LIB. I. DECR. TIT. IX. cap. 11.*

XVII. Sancti Canones Sancti Spiritus instinctu ac dono dictati sunt, & ejus nutu & gratiâ editi. *CAUS. XXV. QUEST. I. Cap. 5. Violatores.*